



註陸宣公奏議卷之十四 依行款悉
均節賦稅恤百姓六條

國朝制書
而津圖
書館藏

宣公
條陳
唐調
法極
詳明
食貨
志不
畧宜
熟記

德宗建中元年相楊炎始用炎議作兩稅法命
陟使與觀察刺史約百姓丁磨定等級夏輸無過
六月秋輸無過十一月稅丁磨定等級夏輸無過
定廢租庸調法比來新舊利斂色目一切罷之二
稅外輒出一錢者以枉法論唐初賦斂之法曰租
庸調有田則有租有身則有庸有戶則有調元宗
之末版籍浸壞多非其及至德兵起所在賦斂
迫逐取辦無復常準民旬輸月送不勝困弊率皆
逃徙為浮戶其土著百無四五至是炎建議作兩
稅法上用其言行之後值朱泚之亂天下戶口三
耗其上用四兩稅貨重錢輕乃計錢而輸綰縮
一一定戶口初定兩稅貨重錢輕乃計錢而輸綰縮
既而物價愈下所納愈多稍匹者過二雖賦增於舊
後一匹因錢愈下所納愈多稍匹者過二雖賦增於舊
而民愈困矣度支以稅州縣則皆增本價為虛
估給之而繆以濫惡督州縣則皆增本價為虛
進奉宣索之名改科役曰召雇科配曰和市戒耗
避徵文比大虛數以寬責逃死關稅取於居者一
刺吏析戶張虛數以寬責逃死關稅取於居者一
室空而四鄰亦尺戶版不浮游之禁州縣行

奏十四

小惠以偵誘鄰竟新收者之唯安居不迂之
民賦役曰重帝以問宰相陸贄贄上疏請蠲革其
甚害者大畧有六事
見炎本傳并食貨志

其一論兩稅之弊須有蠲革

國朝著令賦役之法有三一曰租二曰調三曰庸古者一井
之地九夫共之公田在中籍而不稅私田不善則非吏公田
不善則非民穀梁傳宣公十五年初稅畝初者始也古者什
名曰井田井田一籍而不稅初稅畝非正也古者三百步為里
田稼不善則非吏公田稼不善則非民事頗纖微難於防檢
春秋之際已不能行故國家龔其要而去其煩丁男一人授
田百畝但歲納租粟二石而已言以公田假人而收其租入
故謂之租古者任土之宜以奠賦法國家就因往制簡而壹
之每丁各隨鄉土所出歲輸若絹若綾若絕共二丈綿三兩
其無蠶桑之處則輸布二丈五尺麻三斤以其據丁戶調而

取之故謂之調古者用人之力歲不過三日見王制後代多事

其增十之國家斟酌物宜立為中制每丁一歲定役二旬若

不役則收其庸日準三尺以其出綸而當庸直故謂之庸此

三道者皆宗本前哲之規模參考歷代之利害其取法也遠

其立意也深其斂財也均其成人也固其裁規也簡其備慮

也周有田則有租有家則有調有身則有庸天下為家法制

均壹雖欲轉徙莫容其奸故人無搖心而事有定制以之厚

生則不隄防而家業可久以之成務則不校閱而眾寡可知

以之為理則法不煩而教化行以之成賦則下不困而上用

足三代創制百王是程雖維御損益之術小殊而其義一也

天寶季歲羯胡亂華海內波搖兆庶雲擾版圖隳於避地賦

法壞於奉軍建中之初再造百度執事知弊之宜革而所作

奏十四

兼失其源知簡之可從而所操不得其要舊患雖滅新沴復

滋救跛成痿展轉增劇一本作衰轉增劇凡欲拯其積弊須窮致弊

之由時弊則但理其時法弊則全革其法而又揆新校舊慮

遠圖難規畧未詳悉固不果行利害非相懸固不苟變所為

必當其悔乃亡革封曰革而常其悔乃亡若好革而不知原始要終斯皆

以弊易弊者也至如賦役舊法乃是聖祖典章行之百年人

以為便兵興之後供億不常乘急誅求漸隳經制此所謂時

之弊非法弊也時有弊而未理法無弊而已更掃庸調之成

規創兩稅之新制立意且爽彌綸又踈竭耗編配日日滋甚

夫作法裕於人未有不得人者也作法裕於財未有不失人

者也陛下初膺寶位思致理平誕發德音哀痛流弊全徵役

之頻重憫烝黎之困窮分命使臣敷揚惠化誠宜損上益下

辛相
思深
慮遠

用楊榮
炎變
祖唐
調爲
兩稅
段鋪
叙爲
源最

膏用節財室侈欲以盪其貪風息冗費以紓其厚斂而乃搜
摘郡邑劾驗簿書每州各取大曆中一年科率錢穀數最多
者便爲兩稅定額此乃採非法之權令以爲經制摠無名之
暴賦以立恒規是務取財豈云恤隱作法而不以裕人拯病
爲本得非立意且爽者乎夫財之所生必因人力工而能勤
則豐富拙而兼情則囊空是以先王之制賦入也必以丁夫
爲本無求於力分之外無貸於力分之内故不以務穡增其
稅不以輟稼減其租則播種多不以殖產厚其征不以流寓
免其調則地著固不以飭勵重其役不以窳怠蠲其庸則功
力勤如是然後能使人安其居盡其力相觀而化時靡遁心
雖有惰遊不率之人亦已懲矣兩稅之立則異於斯唯以資
產爲宗不以丁身爲本資產少者則其稅少資產多者則其

奏十四

三

稅多曾不悟資產之中事情不一有藏於襟懷囊篋物雖貴
而人莫能窺有積於場圃囷倉直雖輕而眾以爲富有流通
蕃息之貨數雖寡而計日收贏有廬舍器用之資價雖高而
終歲無利如此之比其流實繁一槩計估筭緡宜其失平長
僞由是務輕賞而樂轉徙者恒脫於徭稅敦本業而樹居產
者每困於徵求此乃誘之爲姦毆之避役力用不得不弛風
俗不得不訛間井不得不殘賦入不得不闕復以創制之首
不務齊平但令本道本州各依舊額徵稅軍興已久事例不
常供應有煩簡之殊牧守有能否之異所在徭賦輕重相絕
旣成新規頃懲積弊化之所在足使無偏減重分輕是將均
濟而乃急於聚斂懼或蠲除不量物力所堪唯以舊額爲準
舊重之處流亡益多舊輕之鄉歸附益眾有流亡則已重者

攤徵轉重有歸附則已輕者散出轉輕高下相傾勢何能止
又以謀始之際不立科條分遣使臣九十餘輩專行其意各
制一隅遂使人殊見道異法低昂不類緩急不倫逮至復命
于朝竟無類會裁處其於躋駁胡可勝言利害相形事尤非
便作法而不以究微防患爲慮得非彌綸又踈者乎立意且
爽彌綸又踈凡厥疲人已嬰其弊就加保育猶懼不支况復
亟繹琴絲重傷宿痾其爲擾病抑又甚焉請爲陛下舉其尤
者六七端則人之困窮固可知矣大曆中紀綱廢弛百事從
權至於率稅少多皆在牧守裁制邦賦旣無定限有司懼有
闕供每至徵配之初例必廣張名數以備不時之命且爲施
惠之資應用有餘則遂減放增損旣由郡邑消息易協物宜
故法雖久刊而人未甚瘁及摠雜徵虛數以爲兩稅恒規悉

奏十四

四

登地官成繫經費計奏一定有加無除此則人益困窮其事
一也木懲賦斂繁重所以變舊從新新法旣行已重於舊旋
屬征討國用不充復以供軍爲名每貫加徵二百當道或增
戎旅又許量事取資詔勅皆謂權宜悉令事畢停罷息兵已
久加稅如初此則人益困窮其事二也定稅之數皆計緡錢
納稅之時多配綾絹往者納絹一疋當錢三千二三百文今
者納絹一疋當錢一千五百文往輸其一者今過於二矣
雖官非增賦而倍已倍輸此則人益困窮其事三也諸州稅
物送至上都度支頒給群司例皆增長本價而又繆稱折估
抑使剝徵姦吏因緣得行侵奪所獲殊寡所擾殊多此則人
益困窮其事四也稅法之重若是旣於已極之中而復有奉
進宣索之繁尚在其外方岳頗頗於成例莫敢闕供朝典又

東以霽章不許別稅綺麗之飾紉素之饒非從地生非自天
降若不出編戶之筋力膏髓將安所取哉於是巧避微文
曲成睿旨變徵役以召雇之目換科配以和市之名廣其課
而狹償其庸精其入而麤計其直以召雇爲目而捕之不得
不來以和市爲名而迫之不得不出其爲妨抑特甚常徭此
則人益困窮其事五也大曆中非法賦斂急備供軍折估宣
索進奉之類者既並收入兩稅矣今於兩稅之外非法之事
復又並存此則人並困窮其事六也建中定稅之始諸道已
不均齊其後或吏理失宜或兵賦偏重或癘疾鍾害或水旱
荐灾田里荒蕪戶口減耗牧守苟避於殿責罕盡申聞所司
姑務於取求莫肯矜恤遂於逃死闕之稅額累加見在疲毗
一室已空四鄰繼盡漸行增廣何由自存此則人益困窮其

奏十四

五

事七也自至德迄于大曆二十年餘肅宗至德二年乾元二

代宗廣德二年永泰兵亂相乘海內罷弊幸遇陛下紹膺寶

一年大曆十四年運憂濟生靈誕敷聖謨痛矯前弊垂愛人節用之旨宣輕徭

薄賦之言率土烝黎感涕相賀延頸企踵咸以謂太平可期

既而制失其中斂從其重頗乖始望已沮羣心因之以兵甲

而煩暴之取轉加繼之以獻求而靜約之風浸靡臣所知者

纔梗槩耳而人益困窮之事已有七焉臣所不知何啻於此

陛下儻追思大曆中所聞人間疾苦而又有此七事重增於

前則人之無聊不問可悉昔魯哀公問於有若曰年飢用不

足如之何有若對曰盍徹乎哀公曰二吾猶不足如之何其

徹也有若曰百姓足君孰與不足百姓不足君孰與足孔子

曰有國有家者不患寡而患不均不患貧而患不安蓋均而

無怨節而無貧和而無寡安而無傾漢文恤患救災則命郡

國無來獻

見文帝紀

是以人爲本以財爲末人安則財贍本固則

邦寧今百姓艱窮非止不足稅額類例非止不均求取繁多

非止來獻誠可哀憫亦可憂危此而不圖何者爲急聖情重

慎每戒作爲伏知貴欲因循不敢盡求釐革且去華去甚亦

足小休望令所司與宰臣參量據每年支用色目中有不急

者無益者罷廢之有過制者廣費者減節之遂以罷減之資

迴給要切之用其百姓稅錢頃因軍興每貫加徵二百者下

詔停之用復其言俾人知信下之化上不令而行諸道權宜

加徵亦當自請蠲放如是則困窮之中十緩其二三矣供御

之物各有典司任土之儀各有常貢過此以往復何所須假

欲崇飾燕居儲備賜與天子之貢寧憂乏財但勅有司何求

奏十四

六

不給豈必旁延進獻別徇營求減德示私傷風敗法因依縱

擾爲害最深陛下臨御之初已洪清淨之化下無曲獻上絕

私求

德宗初即位詔凡財賦皆歸左藏一用舊式

近歲已來稍渝前旨今但滌除

流誤振起聖猷則淳風再興賄道中寢雖有貪饕之輩曷由

復肆侵漁州郡羨財亦將焉往若不上輸王府理須下紓疲

人如是則困窮之中十又緩其四五矣所定稅物估價合依

當處月平百姓輸納之時累經州縣簡閱事或涉於姦冒過

則不在戶人重重剝徵理甚無謂望令所司應諸州府送稅

物到京但與色樣相符不得虛稱折估如濫惡尤甚給用不

充唯罪元納官司亦勿更征百姓根本既自端靜枝葉無因

動搖如是則困窮之中十又緩其二三矣然後據每年見供

賦稅之處詳論詔旨咸俾均平每道各令知兩稅判官一人

赴京與度支類會參定通計戶數以配稅錢輕重之間大約可準而又量土地之沃瘠計物產之多少倫比諸州定爲兩等州等下者其每戶配錢之數少州等高者其每戶配錢之數多多少已差悉令折衷仍委觀察使更於當管所配錢數之內均融剋置務盡事宜就於一管之中輕重不得偏併雖或未盡齊一決當不甚低昂旣免擾人且不變法粗均勞逸足救凋殘非但徵賦易供亦冀逋逃漸息俟稍寧阜更擇所宜

四十一

其二請兩稅以布帛爲額不計錢數

夫國家之制賦稅也必先導以厚生之業而後取其什一焉其所取也量人之力任土之宜非力之所出則不征非土之所有則不貢謂之通法歷代常行大凡生於天地之間而五

奏十四

七

材之用爲急五材者金木水火土也水火不資於作爲金木自產於山澤唯土爰播植非力不成衣食之源皆出於此故可以勉人功而定賦入者唯布麻繒纒與百穀焉先王懼物之貴賤失平而人之交易難准又立貨泉之法以節輕重之宜斂散弛張必由於是蓋御財之大柄爲國之利權守之在官不以任下然則穀帛者人之所爲也錢貨者官之所爲也人之所爲者故租稅取焉官之所爲者故賦斂捨焉此又事理著明者也是以國朝著令稽古作程所取於人不踰其分租出穀庸出綃調雜出繒纒布麻事見上注非此族也不在賦法列聖遺典粲然可徵曷嘗有禁人鑄錢而以錢爲賦者也今之兩稅獨異舊章遠任土之通方効筭縉之末法食貨志漢武末年國用匱乏諸賈人未作貨貨實買率縉分二千而筭一諸作有租及鑄率分四千而筭一不稽事理不揆

入功但估資產爲差便以錢穀定稅臨時折徵雜物每歲色目頗殊唯計求得之利宜靡論供辦之難易所徵非所業所業非所徵遂或增價以買其所無減價以賣其所有一增一減耗損已多且百姓所營唯在耕織人力之作爲有限物價之貴賤無常而乃定稅計錢折錢納物是將有限之產以奉無常之輸納物賤則供稅之所出漸多多則人力不給納物貴則收稅之所入漸少少則國用不充公私二途常不兼濟以此爲法未之前聞往者初定兩稅之時百姓納稅一疋折錢三千二三百文大率萬錢爲綸三疋價旣稍貴數則不多及乎頒給軍裝計數而不計價此所謂稅入少而國用不充者也近者百姓納綸一疋折錢一千五六百文大率萬錢爲綸六疋價旣轉賤數則漸加向之蠶織不殊而所輸尙欲過

奏十四

八

倍此所謂供稅多而人力不給者也今欲不甚改法而粗救災害者在乎約循典制而以時變損益之臣謂宜令所司勸會諸州府初兩稅年綸布定估比類當今時價加賤減貴酌取其中揔計合稅之錢折爲布帛之數仍依庸調舊制各隨鄉土所宜某州某年定出稅布若干端某州某年定出稅綸若干疋其有繩綿雜貨亦隨所出定名勿更計錢以爲稅數如此則土有常制人有常輸眾皆知上令之不遷於是一其心而專其業應出布麻者則務於紡績供綿綸者則事於蠶桑日作月營自然便習各脩家技皆足供官無求人假手之勞無賤鬻貴買之費無暴徵急辦之弊無易常改求之煩物甚賤而人之所出不加物甚貴而官之所入不減是以家給而國足事均而法行此直稍循令典之舊規固非創制之可

疑者也然蚩蚩之俗罕究事情好騁異端妄行沮議臣請假
爲問荅以備討論陛下誠有意乎矜愍蒼生將務救恤但垂
聽覽必有可行議者若曰每歲經費所資大抵皆約錢數若
今以布帛爲額是令支計無憑答曰國初約法已來常賦率
由布帛踰二甲子制用不愆何獨當今則難支計且經費之
大其流有三軍食一也軍衣二也內外官月俸及諸色資課
三也軍衣固在於布帛軍食又取於地租其錢爲數者獨月
俸資課而已制祿唯不計錢故三代以食人眾寡爲差王制
百畝百畝之分上農夫食九人其次食八人其次食七人其
次食六人下農夫食五人庶人在官者其祿以是爲差也
兩漢以石數多少爲秩顏師古曰漢制三公號稱萬石其俸
月各百八十斛二千石者八十斛六百石者七十斛比六百石
者九十斛四百石者五十斛比四百石者四十斛比三百石
者六十斛比三百石者三十七斛二百石者三十五斛比二百
者四十斛比三百石者三十七斛二百石者三十五斛比二百

奏十四

九

百者二十七斛一百石者
十六斛見百官公卿表蓋以錢者官府之權貨祿者吏屬
之常資以常徇權則豐約之度不得恆於家以權爲常則輕
重之柄不得專於國故先王制祿以食而平貨以錢然後國
有權而家有節矣况今餽餉方廣倉儲未豐盡復古規或慮
不足若但據羣官月俸之等隨百役資課之差各依錢數少
多折爲布帛定數某官月給俸絹若干疋某役月給資布若
干端所給色目精麤有司明立條例便爲恆制更不計錢物
甚賤而官之所給不加物甚貴而私之所稟不減官私有准
何利如之生人大端衣食爲切有職田以供食有俸絹以供
衣從事之家固足自給以茲制事誰曰不然夫然則國之用
財多是布帛定以爲賦復何所傷議者若曰吏祿軍裝雖頗
布粟至於以時斂糴用權物價重輕是必須錢於何取給答

曰古之聖人所以取山澤之蘊材作泉布之寶貨國專其利而不與人共之者蓋為此也物賤由乎錢少則重則加鑄而散之使輕物貴由乎錢多則輕則作法而斂之使重是乃物之貴賤繫於錢之多少錢之多少在於官之盈縮官失其守反求於人人不得鑄錢而限令供稅是使貧者破產而假資於富有之室富者蓄貨而竊行於輕重之權下固齊人上虧利柄今之所病諒在於斯誠宜廣卽山殖貨之功峻用銅爲器之禁苟制持得所則錢不乏矣有糶鹽以入其直有榷酒以納其資苟消息合宜則錢可收矣錢可收固可以斂輕爲重錢不乏固可以散重爲輕弛張在官何所不可慮無所給是未知方議者若曰自定兩稅以來恒使計錢納物物價漸賤所納漸多出給之時又增虛估廣求羨利以贖

奏十四

錢歲計月支猶患不足今若定供布帛出納以平軍國之資無乃有闕答曰自天寶以後師旅數起法度消亡肅宗撥滔天之災而急於功賞先帝邁舍垢之德而緩於糾繩由是用頗殷繁俗亦靡弊公賦已重別獻繼興別獻旣行私賂競長誅求刻剝日長月滋積累以至于大曆之間所謂取之極甚者也食貨志自西京陷沒民物耗弊天下蕭然肅宗卽位遣御史鄭叔清等籍江淮蜀漢富商右族貲畜十萬其二謂之率貸又召人納錢給空名告身財官勳邑號而百姓處於兵盜米斗至錢七千至代宗之時財力勳邑竭諸鎮擅地結爲表裏天子不能繩以法專留意祠禱歲費鉅萬計帝性雖儉約然生日端午四方貢獻至數千萬者加以恩澤而諸道爭尚侈麗耗自今旣掇收極甚之數定爲兩稅矣所定別獻之類復在數外矣間緣軍用不給已嘗加徵矣近屬折納價錢則又多獲矣比於大曆極甚之數殆將再益其倍焉復幸年穀屢豐兵車少息而用常不足其故何哉蓋以事

逐情生費從事廣物有劑而用無節夫安得不乏乎苟能黜其情約其用非但可以布帛為稅雖更減其稅亦可也苟務逞其情侈其用非但行今重稅之不足雖更加其稅亦不足也夫地力之生物有大數人力之成物有大限取之有度用之有節則常足取之無度用之無節則常不足生物之豐敗由天用物之多少由人是以先王立程量入為出十年之通制國用量雖遇災難下無困窮理化既衰則乃反是量出為入不恤所無故魯哀公問年饑用不足如之何有若對以盍徹桀用天下而不足湯用七十里而有餘是乃用之盈虛在於節與不節耳不節則雖盈必竭能節則雖虛必盈衛文公承滅國之餘建新徙之業革車不過三十乘豈不甚殆哉而能衣大布冠大帛約已率下通商務農卒以富強見稱載籍

奏十四

左閔二年衛文公大布之衣大布之冠務材訓農通商惠工敬教勸學授方任能元年革車三十乘季年乃三百乘

文帝接秦項積久傷夷之弊繼高呂革創多事之時家國虛

殘日不暇給而能躬儉節用靜事息人服弋絺履革烏東方朔傳文帝貴為天子富有四

海身衣弋絺足履革烏却駿馬而不御賈捐之傳孝文帝時有

旗在前屬車在後吉行日五十里師行三十里朕受獻也其

馬獨先安之於是還馬與道里費而下詔曰朕不受獻也其

令四方毋能露臺而不脩文紀贊曰孝文嘗欲作露臺召匠

求來獻之產也吾奉先帝宮室屢賜田租以厚烝庶文帝下詔賜民

常恐羞之何以臺為半明年遂除民田遂使戶口蕃息百物阜殷乃至鄉曲宴遊

之租稅見本紀乘牝特者不得赴會食貨子孫生長或有積數十歲不識市

鄺史律御府之錢貫朽而不可校太倉之粟紅腐而不可食

國富於上人安於下生享遐福沒垂令名人到于今稱其仁

賢可謂盛矣太宗文皇帝收合版蕩再造寰區武德年中革

車屢動高祖方經營天繼以災歉人多流離貞觀之初荐屬

霜旱自關輔綿及三河之地米價騰貴斗易一鎌道路之間

餒殍相藉太宗敦行儉約撫養困窮視人如傷勞徠不倦百

姓有警男女者出御府金帛贖還其家貞觀政要曰二年開

日水旱不調皆為入君失德朕德之不脩天當責朕百姓何

罪而多困窮聞有鬻男女者朕甚怒焉乃遣御史大夫杜淹

巡視出御府金帛嚴禁貪殘慎節徭賦弛不急之用省無事

為贖之還其父母貞觀初年雖出宮人竊聞太上皇

之官黜損乘輿斥出宮女上觀往年雖出宮人竊聞太上皇

宮及掖庭无用者尚多豈唯虛費衣食且陰氣鬱積亦足致

早上曰婦人幽閉深宮誠為可惡灑掃之餘亦何所用宜皆

出之任求伉儷於是遣尚書左丞戴胄給事中杜正倫於掖

庭西門簡出之前後所出三千餘人事見貞觀政要并李百

藥太宗嘗有氣疾百官以大內卑濕請營一閣以居尚憚煩

勞竟不之許貞觀二年公卿表曰依秋季夏一閣可以居之

日朕有氣疾宜早濕若遂來請糜費良是以至誠上感淳

多固請至于再三竟不許事見貞觀政要

奏四

化下敷四方大和百穀連稔貞觀八年以後米斗四五錢俗

阜化行人知義遜行旅萬里或不賈糧太宗即位元年開中

年天下蝗三年大水上勤而抚之民雖東西斗食未嘗嗟怨

是歲天下大稔流散者或歸鄉里米斗不過三四錢終歲斷

死罪纔二十九人東至于海南及五嶺皆外戶故人到于今

談帝王之盛則必先太宗之聖功論理道之崇則必慕貞觀

之故事此三君者其經始豈不艱窘哉皆以嗇用愛人竟獲

豐福是所謂能節雖虛必盈之效也秦始皇據嶠函之固藉

雄富之業專力農戰廣收材豪故能芟滅暴強宰制天下功

成志滿自謂有泰山之安貪欲熾然以為六合莫予違也於

是發間左之戍徵太半之賦進諫者謂之宣謗恤隱者謂之

收恩故徵發未終而宗社已泯食貨志始皇并天下內興功

間左之戍竭天下之資財猶未足作外攘夷狄收太半之賦發

以贍其欲也海內愁怨遂用潰畔漢武帝遇時運理平之會

承文景勤儉之積內廣興作外張甲兵侈汰無窮遂至殫竭

大搜財貨筭及舟車食貨志武帝時商賈人輜車二筭船五丈以上一筭置不自占不采成邊一

歲沒入循錢遠近騷然幾至顛覆賴武帝英姿大度付任以能納

諫無疑改過不吝下哀痛之詔罷征伐之勞封丞相為富民

侯以示休息食貨志云邦本搖而復定帝祚危而再安隋氏因周

室平齊之資周乃後周即宇文泰之後齊乃北齊府庫充實

開皇之際理尚廉平是時公私豐饒議者以比漢之文景煬

帝嗣位肆行驕奢竭耗生靈不知止息海內怨叛以至於亡

隋食貨志文帝既平江表躬先檢約開皇十七年中外倉庫無不盈積至積於廊廡之下遂停此年正賦以賜黎元煬帝

嗣位肆情驕志窮極行麗盡和歲動從行官掖常千萬人皆仰給縣官租賦之外一切促斂不顧元元於是盜賊充斥天

下大此三君者其所憑藉豈不豐厚哉此皆以縱欲殘人竟

致蹙喪是所謂不節則雖盈必竭之効也秦隋不悟而遂滅

奏十四

漢武中悔而獲存乃知懲與不懲覺與不覺其於得失相遠

復有存滅之殊安可不思安可不懼今人窮日甚國用歲加

不時節量其勢必蹙而議者但憂財利之不足罔慮安危之

不持若然者則大宗漢文之德曷見稱秦皇隋煬之敗靡足

戒唯欲是逞復何規哉幸屬休明將期致理急聚斂而忽於

勤恤固非聖代之所宜言也

光緒四年歲在著雍攝提格吳興陸氏十萬卷樓重雕
註陸宣公奏議卷之十四
裔孫心源校

註陸宣公奏議卷之十五

行款悉依元刻

三

其三論長吏以增戶加稅闢田爲課績

夫欲施教化立度程必先域人使之地著古之王者設井田之法以安其業立五宗之制以綴其恩大傳別子爲祖繼別爲宗繼禰爲小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也猶懼其未也又教之族墳墓敬桑梓將以固人之志定人之居俾皆重遷然可爲理厥後又督之以出鄉遊墮之禁糾之以版圖比閔之方雖訓導漸微而檢制猶密歷代因襲以爲彝章其理也必謹於隄防其亂也必慢於經界斯道崇替與時興衰人主失之則不可御寰區守長失之則不可釐郡邑理人之要莫急於茲頃因兵興典制弛廢戶版之紀綱罔緝土斷之條約不明恣人浮流莫克禁止縱之則湊集

奏十五

整之則驚離恒懷倖心靡固本業是以賦稅不一教令不行長人者又罕能推忠恕易地之情體至公徇國之意迭行小惠競誘姦毗以傾奪鄰境爲智能以招萃逋逃爲理化捨彼適此者旣謂新收而獲宥倏忽往來者又以復業而見優唯懷土安居首末不遷者則使之日重斂之日加是令地著之人恒代墮游服役則何異驅之轉徙教之澆訛此由牧宰不克弘通各私所部之過也及夫廉使奏課會府考功但守常規不稽時變其所以爲長吏之能者大約在於四科一曰戶口增加二曰田野墾闢三曰稅錢長數四曰徵辦先期此四者誠吏職之所崇然立法齊人久無不弊法之所沮則人飾巧而苟避其網法之所勸則人興僞以曲附其文理之者若不知維御損益之宜則巧僞萌生恒因沮勸而滋矣夫課吏

之法所貴戶口增加者豈不以撫字得所人益阜蕃乎今或詭情以誘其姦淨苛法以析其親族苟益戶數務登賞條所誘者將議薄征已遽驚散所析者不勝重稅又漸流亡州縣破傷多起於此長吏相効以爲績安忍莫懲齊人相扇以成風規避轉甚不究實而務增戶口有如是之病焉所貴田野墾闢者豈不以訓導有術人皆樂業乎今或牽率黎烝播植荒廢約以年限免其地租苟農夫不增而懇田欲廣新畝雖闢舊畝反蕪人利免租頗亦從今年限纔滿復爲污萊有益煩勞無增稼穡不度力而務闢田野有如是之病焉所貴稅錢長數者豈不以旣庶而富人可加賦乎今或重困疲羸力求附益捶骨瀝髓隳家取財苟媚聚斂之司以爲仕進之路不恤人而務長稅數有如是之病焉所貴徵辦先期者豈不

奏十五

一

以物力優贍人皆樂輸乎今或肆毒作威殘人逞欲事有常限因而促之不量時宜唯尙強濟絲不容纖粟不暇舂矧伊貧虛能不奔迸不恕物而務先徵辦有如是之病焉然則引人逋逃蹙人艱窘唯茲四病亦有助焉此由考覈不切事情而泛循舊轍之過也且夫戶口增加田野懇闢稅錢長數徵辦先期若不以實事驗之則真僞莫得而辨將驗之以實則租賦須加所加旣出於人固有受其損者此州若增客戶彼郡必減居人增處邀賞而稅數有加減處懼罪而稅數不降儻國家所設考課之法必欲崇於聚斂則如斯可矣將有意乎富俗而務理豈不刺謬歟當今之要在於厚人而薄財損上以益下下苟利矣上必安焉則少損者所以招大益也人旣厚矣財必贍焉則慙薄者所以成求厚也臣愚謂宜甲命

有司詳定考績往貴於加者今務於減焉假如一州之中所稅舊有定額凡管幾許百姓復作幾等差科每等有若干戶人每戶出若干稅物各令條舉都數年別一申使司使司詳覆有憑然後錄報戶部若當管之內人益阜殷所定稅額有餘任其據戶均減率計減數多少以爲考課等差其當管稅物通比校每戶十分減三分者爲上課十分減二分者次焉十分減一分者又次焉如或人多流亡加稅見戶比校殿罰法亦如之其百姓所出田租額納則各以去年應輸之數便爲定額每歲據額徵納更不勘責檢巡增闢者勿益其租廢耕者不降其數足以誘導墾植且免妨奪農功事簡體弘人必悅勸每至定戶之際但據雜產校量田既自有恒租不宜更入兩稅如此則吏無苟且俗變澆浮不督課而人自樂耕

奏十五

不防閑而眾皆安土斯亦當今富人固本之要術在陛下舉而行之

其四論稅期限迫切

建官立國所以養人也賦人取財所以資國也明君不厚其所資而害其所養故必先人事而借其暇力先家給而斂其餘財遂人所營恤人所乏借必以度斂必以時有度則忘勞得時則易給是以官事無闕人力不殫公私相全上下交愛古之得眾者其率用此歟法制或虧本末倒置但務取人以資國不思立國以養人非獨徭賦繁多無蠲貸至於徵收迫促亦不矜量蠶事方興已輸縑稅農功未艾遽斂穀租上司之繩責既嚴下吏之威暴愈促有者急賣而耗其半直無者求假而費其倍酬所繫遲速之間不過月旬之異一寬稅

限歲歲相承遲無所妨速不為益何急敦逼重傷疲人頃緣定稅之初期約未甚詳衷旋屬征役多故復令先限量徵近雖優延尙未均濟望委轉運使與諸道觀察使商議更詳定徵稅期限聞奏各隨當土風俗所便時候所宜務於紓人俾得辦集所謂惠而不費者則此類也

奏十五

其五請以稅茶錢置義倉以備水旱

臣聞仁君在上則海內無餓殍之人豈必耕而餉之饗而食之哉蓋以慮得其宜制得其道致人於歉乏之外設備於災沴之前是以年雖大殺眾不恒懼夫水旱為敗堯湯被之矣陰陽相寇聖何禦哉所貴堯湯之盛者在於遭患能濟耳凡厥哲后皆謹循之故王制記虞夏殷周四代之法乃云國無九年之蓄曰不足無六年之蓄曰急無三年之蓄曰國非其

奏十五

四

國也周官司徒之屬亦云掌鄉里之委積以恤艱阨縣鄙之

委積以待凶荒王制既衰雜以權術魏用平糶之法食貨志

魏文侯立平糶之法云云漢制常平之倉食貨志大司農耿壽昌李惲為

其價而糶以利農穀貴時減白令邊郡皆築倉以穀賤時增

始創社倉然於開皇人不饑饉隋食貨志文帝開皇五年工

姓及軍人勸課當社共立義倉收穫之日隨其所得勸課出

粟及麥於當社造倉密貯之積委社司執帳檢校每年收積

勿使損敗若時或不熟當社有饑饉者貞觀初戴胄建積穀

備災之議太宗悅焉因命有司詳立條制所在貯粟號為義

倉豐則斂藏歉則散給歷高宗之代五六十載人賴其資唐

貨志尚書左丞戴胄建議自王公以下計墾田秋熟所在為

義倉歲凶以給民太宗善之乃詔賦稅二升粟稅稻土地

所宜寬鄉穀以所種狹鄉據責苗簿而督之田糶十四者免

其半耗十七者皆免又商賈无田者以其戶為九等出粟自

五石至于五斗為差下下戶及夷獠不取焉國步中艱斯制

歲不登則以照民或貸為種子則至秋而償

亦弛開元之際漸復脩崇食貨志高宗以後稍假義倉以給

之是知儲積備災聖王之急務也語曰百姓足君孰與不足

百姓不足君孰與足此言君養人以成國人戴君以成生上

下相成事如一體然則古稱九年六年之蓄者蓋率土臣庶

通為之計耳固非獨豐公庾不及編氓記所謂雖有凶旱水

溢人無菜色良以此也後代失典籍備慮之盲忘先王子愛

之心所蓄糧儲唯計廩積犬彘厭人之食而不知斂溝壑委

人之骨而不能恤亂興於下禍延於上雖有公粟豈得而食

諸故立國而不先養人國固不立矣養人而不先足食人固

不養矣足食而不先備災食固不足矣為官而備者人必不

贍為人而備者官必不窮是故論德昏明在乎所務本末務

本則其末自遂務末則其本兼亡國本於人安得不務頃以

奏十五

寇戎為梗師旅亟興惠恤之方多所未暇每遇陰陽愆候年

不順成官司所儲祗給軍食支計苟有所闕猶須更取於人

人之凶荒豈遑賑救人小乏則求取息利人大乏則賣鬻田

廬幸逢有年纔償通債斂糶始畢糶糧已空執契檐囊行復

貨假重重計息食每不充儻遇荐饑遂至顛沛室家相棄骨

肉分離乞為奴僕猶莫之售或行丐鄜里或縊死道途天災

流行四方代有左傳十三年冬晉荐饑使乞糶于秦秦伯率

計被其害者每歲常不下一二十州以陛下為人父母之心

若垂省憂固足傷惻幸有可救之道焉可捨而不念哉今賦

役已繁人力已竭窮歲汲汲永無贏餘課之聚糧終不能致

將樹儲蓄根本必藉官司助成陛下誠能為人備災過聽愚

計不害經費可垂永圖近者有司奏請稅茶歲得五十萬貫

奸宰相好
相好宰相
苦疾小
人知寒
人知飢
飽

元勅令貯戶部用救百姓凶饑食貨志初德宗納戶部侍郎趙贊議稅天下茶漆竹木十

取一以爲常平本錢及出奉天乃悼悔下詔亟罷之至朱泚

平安臣希意與利者益進正元八年以水災減明年諸道

蓋鉄使張滂奏出茶州縣若山及商人要路以三等定估

十稅其一自是歲得錢四十萬緡然水旱亦未備極之也

以蓄粮適副前旨望令轉運使摠計諸道戶口多少每年所

得稅茶錢使均融分配各令當道巡院主掌每至穀麥熟時

卽與觀察使計會散就管內州縣和糴便於當處置倉收納

每州令錄事參軍專知仍定觀察判官一人與和糴巡院官

同管當亦以義倉爲名除賑給百姓已外一切不得貸便支

用如時當大稔事至傷農則優與價錢廣其糴數穀若稍貴

糴亦便停所糴少多與年上下准平穀價恒使得中每遇灾

荒卽以振給小歉則隨事借貸大飢則錄奏分頒許從便宜

務使周濟循環斂散遂以爲常如此則蓄財息債者不能耗

吾人聚穀幸灾者無以俾大利富不至侈貧不至飢農不至

傷糴不至貴一舉事而眾美具可不務乎俟人小林漸勸私

積平糴之法斯在社會之制兼行不出十年之中必盈三歲

之蓄弘長不已升平可期使聖代黎人永無餒乏此堯湯所

以見稱於千古也願陛下遵之慕之繼之齊之苟能存誠蔑

有不至

其六論兼并之家私斂重於公

國之紀綱在於制度士農工賈各有所專凡在食祿之家不

得與人爭利此王者所以節材力勵廉隅是古今之所同不

可得而變革者也代理則其道存而不犯代亂則其制委而

不行其道存則貴賤有章豐殺有度車服田宅莫敢僭踰雖

積貨財無所施設是以咸安其分罕徇貪求藏不偏多故物

不偏罄用不偏厚故人不偏窮聖人能使禮遜興行而財用均足則此道也其制委則法度不守教化不從唯貨是崇唯力是騁貨力苟備無欲不成租販兼并不錮齊人之業奉養豐麗上侔王者之尊戶蓄群黎隸役同輩既濟嗜欲不虞憲章肆其貪恣曷有紀極天下之物有限富室之積無涯食一人而費百人之資則百人之食不得不乏富一家而傾千家之產則千家之業不得不空舉類推之則海內空乏之流亦已多矣故前代致有風俗訛靡毗庶困窮由此弊也今茲之弊則又甚焉夫物之不可掩藏而易以閱視者莫著乎田宅臣請又措其宅而勿議且舉占田一事以言之古元哲王疆理天下百畝之地號曰一夫蓋以一夫授田不得過於百畝也欲使人無廢業田無曠耕人力田疇二者適足是以貧弱

奏十五

七

不至竭涸富厚不至奢淫法立事均斯謂制度今制度弛紊疆理壞墮恣人吞噬無復畔限富者兼地數萬畝貧者無容足之居依託強豪以爲私屬貸其種食賃其田廬終年服勞無日休息罄輸所假常患不充有田之家坐食租稅貧富懸絕乃至於斯厚斂促徵皆甚公賦今京畿之內每田一畝官稅五升而私家收租殆有畝至一石者是二十倍於官稅也降及中等租猶半之是十倍於官稅也夫以土地王者之所有耕稼農夫之所爲而兼并之徒居然受利官取其一私取其十穡人安得足食公廩安得廣儲風俗安得不貪財貨安得不壅昔之爲理者所以明制度而謹經界豈虛設哉斯道浸亡爲日已久頓欲脩整行之實難革弊化人事當有漸望令百官集議參酌古今之宜凡所占田約爲條限裁減租價

務利貧人法貴必行不能深刻裕其制以便俗嚴其令以懲
違微損有餘稍優不足損不失富優可賑窮此乃古者安富
恤窮之善經周官大司徒云不可捨也

右臣前月十一日延英奏對因叙賦稅煩重百姓困窮伏奉
恩旨令具條疏聞奏今且舉其甚者謹件如前臣聞於書曰
無輕人事惟難無安厥位惟危此理之所以興也又曰厥後
嗣王生則逸不知稼穡之艱難此亂之所由始也以陛下天
縱聖哲事更憂危夙夜孜孜志求致理往年論及百姓必爲
悽然動容每言朕於蒼生皮體亦無所惜臣久叨近侍亟奉
德音竊謂一代黔黎必躋富壽之域昨奏人間疾苦十分才
及二三聖情已甚驚疑皆謂臣言過當然則愁怨之事何由
上聞鞠育之恩何由下布典籍所戒信而有徵一虧聖猷實
可深惜臣又聞於書曰非知之難行之惟艱竊惟陛下所以
驚疑於微臣之言者但聞之未熟耳此乃股肱耳目之任仰
負於陛下誠所謂知之非艱尙未足深累聖德也今則既知
之矣願陛下勿復艱於所行居安思危億兆幸甚

奏十五

八

光緒四年歲在著雍攝提格吳興陸氏十萬卷樓重雕

註陸宣公奏議十五卷終

裔孫心源校

史載之傳

史堪字載之蜀人

書錄解題

治病用藥初不求異

炮炙製度自依本法審証精切不過三四服

立瘡

載之方跋

眉州人彭師古年三十時得異疾

不能食聞葷腥氣輒嘔惟用一錫旋煮湯沃

淡飯數匙食之食已鼻中必滴血一點慼慼

疲削醫莫能愈乃趨郡謁堪堪曰君之疾在

素聞經中其名曰食掛凡人肺六葉舒張如

蓋下覆於脾則子母氣和飲食甘美一或有

戾則肺不能舒脾為之蔽故不嗜食素問曰

肺葉焦熱名曰食掛蓋食不下脾痰而成疾

傳

耳遂製藥服之三日覺肉香啖之無所苦自

此嗜食宿恙頓除

宋稗類鈔

蔡元長苦大腸祕醫

不能通堪診脉已曰請求二十錢元長曰何

為曰欲市紫苑耳末紫苑以進須臾遂通元

長大驚問其說曰大腸肺之傳送今之祕無

他以肺氣濁耳紫苑清肺氣此所以通也

北窗錄

著有指南方二卷凡分三十二門門各

有論

題解

陸氏曰史堪里貫無考據書錄解題知為蜀

人而已蜀有史崧見蜀中廣記亦以醫名其

卽堪之一家歟余既刻其書因披諸書而為

之傳

傳



史載之方卷上

行欬悉仿宋本

四時正脈

春

春脈弦其氣來柔軟弱虛而滑端直以長名之曰弦反此者病其氣來實而強名爲太過病在外其氣來不實而微此爲不及病在中太過則令人善忘忽忽冒眩巔疾不及則令人胷痛引背下兩脅胕滿

夏

夏脈鈎其氣來盛去衰反此者病其氣來盛去亦盛此爲太過病在外其氣來不盛去反

史上

一

盛此爲不及病在中太過則令人身熱而膚痛爲浸濕不及則令人煩心上見欬唾下爲氣泄

秋

秋脈浮其氣來輕虛以浮其氣來急去散故曰浮反此者病帝曰何如反其氣來毛而中夾堅而兩旁虛此謂太過病在外其氣來毛而微此謂不及病在中太過則令人逆氣而背痛愠愠然不及則令人喘呼吸少氣而欬上氣見血下聞病音

冬

冬脈營其氣來沉而搏故曰營反此者病其氣來如彈石者此謂太過病在外其去如數者此謂不及病在中太過則令人解侷脊脈痛而少氣不欲言其不及則令人心懸如病飢眇中清脊中痛少腹滿小便變

中

脾無善脈止見惡脈蓋脾脈以和緩爲主故四時之脈雖不同春脈弦夏脈鈎秋脈毛冬脈營皆要有脾脈若脾脈不見便是五藏眞脈見眞脈見者死所以脾無善脈者謂其常脈便是吉脈其太過不及皆爲病脈太過則

史上

二

令人四肢不舉其來如水之流者太過也濕勝則然耳不及則令人九竅不通名曰重強其來如鳥之啄者不及也土不用事則然耳濕勝而其脈如流邪乃傷腎土不用事而九竅不利因受木所制木制則脾受水矣九竅不利故多生浮腫脹滿之疾久而成水

眞脈

眞肝脈至中外急如循刀刃責責然如按琴瑟絃色青白不澤毛折乃死眞心脈至堅而搏如循薏苡累累然色赤黑不澤毛折乃死眞肺脈至大而虛如以毛羽中人膚色白赤

不澤毛折乃死

眞腎脈至搏而絕如以指彈石辟辟然色黑黃不澤毛折乃死

眞脾脈至弱而乍數乍疎色黃青不澤毛折乃死

厥陰所勝生病

運氣所勝

飧泄食減體重煩冤鳴腹支滿甚則忽忽善怒眩冒巔疾脇痛而吐甚衝陽絕者不治

司天所勝

體重肌肉萎食減口爽目轉耳鳴胃脘當心

史上

三

而痛飲食不下舌本強食則嘔飧泄腹脹漉泄瘦水閉

在泉所勝

洒淅寒如瘧善伸數欠心痛支滿兩脇裏急飲食不下高咽不通食則嘔腹脹善噫得候與氣則快然如衰身體皆重

少陰所勝生病

運勝

瘧少氣欬喘血溢泄注下噎燥耳聾中熱肩背熱

天勝

喘嘔寒熱噎歎鼻窒甚則瘡瘍脇痛善太

息胷中煩熱喘乾右肢滿皮膚痛寒熱欬喘
唾血歛衄溺色變瘡瘍肘腫肩背臂臑及缺
盆痛

地勝

腹中常鳴氣上衝胷喘不能久立寒熱皮膚
痛齒痛頰腫惡寒發熱如瘧少腹中痛腹大
太陰所勝生病

運勝

腹痛清厥意不樂體重煩冤肌肉萎足萎不
收行善瘕脚下痛飲發中滿食減四支不舉
腹滿溇泄腹鳴反下甚而大谿絕者不治

史上

四

天勝

胷中不利陰萎氣大衰而不起不用當其時
反腰睢痛動轉不便心下否滿少腹痛時害
於食肘腫骨痛陰痺陰痺者按之不得腰脊
頭項痛時眩大便難陰氣不用飢不欲食咳
唾則有血心如懸

地勝

飲積心痛耳聾渾渾惇惇噎腫喉痺陰病血
見少腹痛腫不得小便病衝頭痛目似脫項
似拔腰似折髀不可以回脰如結臑如別

陽明所勝生病

運勝

兩脅下少腹痛目眚痛皆瘍耳無所聞體重煩冤胷痛引背兩脇滿且痛引少腹甚則喘逆氣咳肩背痛尻陰股膝髀踠胘足皆病

天勝

脇痛目赤掉振鼓慄筋痿不能久立小便變寒熱如瘧甚則心痛左肘脇痛寒清于中感而瘧欬腹中鳴注泄鶩溇心脇暴痛不可反側噎乾面塵腰痛丈夫癩疝婦人少腹痛目眇皆瘍瘡瘰癧

地勝

史上

五

昏病喜嘔嘔有苦太息心脇痛不能反側甚則噎乾而塵身無膏澤足外反熱

太陽所勝生病

運勝

身熱煩心躁悸陰厥上下中寒譫妄心痛甚則腹大脛腫喘欬寢汗出憎風

天勝

心熱煩噎乾善嘔嚏喜悲數欠熱氣妄行善忘甚則心痛嘔血血泄嘔衄善悲時眩什腹滿手熱肘攣掖腫心澹澹大動胷脇胃脘不安面赤目黃善噫噎乾甚則色焔渴而

飲

地勝

少腹控睪引腰脊上衝心痛血見噎痛頷腫

少陽所勝生病

天勝

欬嚏鼽衄鼻塞瘍寒熱肘腫心痛胃脘痛厥
逆鬲不通熱上皮膚痛色變黃赤傳而為水
身面附腫腹滿仰息泄注赤白瘡瘍唾血煩
心胃中熱甚則鼽衄

地勝

注泄赤白少腹痛溺赤甚則血便少陰同候

史上

六

六氣復而生病

厥陰之復

少腹堅滿裏急暴痛心痛汗發嘔吐飲食不
入而復出筋骨掉眩清厥甚則入痺食痺而
吐

少陰之復

燥熱內作煩躁鼽嚏少腹絞痛火見燔炳噎
燥分注時止氣動於左上行於右欬皮膚痛
暴痞心痛鬱冒不知人迺洒淅惡寒振慄譫
妄寒已而熱渴而欲飲少氣骨痠膈腸不便
外為浮腫噦噫瘡瘍癰瘞甚則入肺欬而鼻淵

太陰之復

體重中滿食飲不化陰氣上厥胷中不便飲發於中欬喘有聲頭項痛重而掉瘧尤嘔而密默唾吐清液甚則入腎竅泄無度

少陽之復

驚瘵欬衄心熱煩躁便數憎風厥氣上行面如浮埃目而睵瘵火氣內發上爲口瘵嘔逆血溢血泄發而爲瘡惡寒鼓燹寒極反熱噎絡焦槁渴引水漿色變黃赤少氣脈萎化而爲水傳爲浮腫甚則入肺欬而血泄

陽明之復

史上

七

病生胷脇氣歸於左善太息甚則心痛否滿腹脹而泄嘔苦欬噦煩心病在鬲中頭痛甚則入肝驚駭筋攣

太陽之復

心胃生寒胷中不利心痛痞滿頭痛善恐時眩什食減腰睢反痛屈伸不便少腹控睪引腰脊上衝心唾出清水及爲噦噫甚則入心善忘善悲

論六氣所生之病

五行之爲病一也而所生之氣不同如木之所至爲風化而病之生不獨止於肝火之所

至爲熱化而病之生不獨止於心此司天司地統歲紀運之不同故爲病亦從而各異又有乘年之虛過月之空失時之和或勝而所勝受刑或復而制於所勝且以經言之天火下臨則肺氣上從則白起金用而草乃眚燥氣下臨則肝氣上從則蒼起木用而土乃眚以常所勝而論之則火至而肺病金至而肝病今也天火下臨則金以從天之氣而白迺用故病反生於肝天金下臨則木從天之氣而蒼迺用故病反生於脾類舉而推則厥陰司天脾氣上從而水斯眚太陽司天心氣上

史上

八

從而金斯眚少陰司天肺氣上從而肝斯眚太陰司天則腎氣上從而火斯眚皆可知矣此天度之尊獨異於他經言天能制色以其能制勝已而使不爲害至於司地則氣化之正各隨其證耳若夫紀運之歲之不同則又視其司天之氣化如六甲之歲陽土當運有陰凝流衍之布宜與六己之歲不同也然己巳己亥與六甲之歲同六庚多肝病而庚寅庚申之歲金不能制肝六戊多肺病而戊辰戊戌之歲火不能害肺氣化所至譬如權衡可卽其氣以求其病惟勝復之候不同難以前

期亦隨其氣之多寡以求其證勝之爲病輕復之爲病重勝則所不勝者順受其克復如報怨仇焉此又不可不知也今以木之受病本於肺金之所制則不過如肺氣有餘凌犯於肝生眼昏背癢耳無所聞胃痛體重之病耳若迺木化之盛肝氣妄行大傷於脾則金必相救邪反傷肝能使人體重煩冤胃痛引背兩脅滿宜痛引少腹故經言上應太白星者謂金之復也雖然人之氣猶之天地之氣五藏之氣卽五運之氣三陰之氣卽六氣之變顧一身之氣多寡之如何亦不必因天地

史上

九

之氣化所生己亥之歲人多肝病而有病肺者子午之歲人多心病而有病腎者此一人之身自有天地之氣化調治之法與五運六氣所至之法同至於病一也而所生之病所受之本所以至病之由不一者或以本藏有餘而成或以本藏不足而成或經絡所過之處同而成經之所載二火所生之病雖輕重不同而其實則一太陽水土共胞寒濕同化所生之病亦類目會眾筋而病變多端心統五藏而病生奇怪清濁異源各有其機表裏殊狀各有其應今詳舉之以明治病之訣

大府泄

肝熱刑脾而泄卽經言殮泄餘證當腸鳴腹支滿口膠渴小府赤宜涼其肝輕益其胃診其脈六脈輕弦胃上得肝脈不至大弦然六脈雖弦亦不必有骨力以泄則氣虛不實故也宜用荊芥散

荊芥穗 壹分 防風 芍藥 訶子皮

羌活 甘草 白茯苓 厚朴 十銖 去皮

木香 三銖

右爲細末非時以水壹盞棗壹个同煎三錢匕和滓服

史上

十

脾濕而泄經言腹滿溏泄餘證腹疼痛體重食減甚則足痿行善契脚下痛宜用削朮豆蔻散

草豆蔻 削朮 訶子皮 大芎 各壹兩

陳橘皮 甘草 膏本 獨活 各半 各八銖

藿香 各壹分

右爲細末空心水壹盞薑兩片棗兩個同煎三錢取八分和滓服

腎水之寒亦生溏泄以寒濕同化所生之病一耳經又言寒迫下焦傳爲濡泄陰氣入腎竅泄無度洞泄皆屬於水土之所生其證體重食減腹痛四支不舉甚則注而赤白腰膝

酸痛股膝不便若脾氣之濕則六脈渾濁如革濡散而大如按泥漿加之腎寒則又沉伏遲弱動而無力宜併治其水暖其脾腎暖脾藥宜以削朮豆蔻散暖腎藏方葶藶勝金丸

葶藶 訶子 各壹 石斛 香白續斷

芎 附子 去心 巴戟 去心 官桂

藁本 各半 蓬莪茂 山茱萸 細辛

當歸 獨活 各壹

右為末煉蜜丸如梧桐大空心米湯下五

七十九丸

又方宜服船上硫黃丸 方見荊門

史上 十一

肺金之勝亦生腹鳴澹泄肺主清肅之氣流入于中變成寒中鶩溇又肺主少腹故生斯病餘證少腹痛中清脘脇痛其脈六脈毛而微不浮毛為肺脈微則泄而氣弱初泄則本肺脈一指偏一二日則變而微但不浮耳尺澤沉而小擊宜溫其肺四味芍藥散

吳白朮 芍藥 桔梗 香白芷

右等分為末非時水壹盞生薑三片同煎

三錢匕入棗二个取八分服

大府秘

肝心氣實風血相傳大府結澁口苦舌龕甚

則口乾膠小府赤頭痛眼昏六脈洪大而實
宜用柴胡湯

柴胡

前胡

防風

杏仁

去皮

羌活

伏苓

甘草

芍藥

各二分

麥門冬

去心

乾地黃

入

半夏

二錢

右為麤散食後并非時水一盞葱白一根

同煎三四錢匕取八分去滓服

肺氣上實其氣上蒸不能傳送大府祕熱其
脈浮而疾尺澤脈短寸口脈大宜用柴胡湯
加紫苑麻黃各一分良

寒濕之勝大府反祕經言陰氣不用便堅以

史上

三

土不用事脾胃不動無傳送耳其陰具水土
之證脈亦如之宜用大腹皮散

陳橘皮

壹兩

青橘皮

大芎

五味子

芍藥

香白芷

甘草

各二分

大腹皮

草豆蔻

各半兩

木香

檳榔

各四錢

右為細末每服三錢匕非時水一盞煎八
分和滓服

元氣虛弱腎水空虛胃無津液大府澁遲六
脈微而虛宜用菘蓉粥

肉菘蓉一分米一掬先洗菘蓉令淨切

令極細同米用水兩碗已上煮作稀粥

既熟入少許葱并薄入鹽醬調和空心投三四盞

小府秘

小府之秘其狀難識有淋有癢有泄或疼不疼肝心之氣盛實而熱小腸氣虛熱氣流入膀胱遂成小府赤澁之病其脈數而輕弦尺澤弦而長又微緊或心脈長皆主此病宜用此方

伏苓

半兩

麥門冬

去心

芍藥

前胡

杏仁

去皮尖

桔梗

防風

各一分

荆芥

三銖

甘草

炙

木通

各四銖

史上

三

右爲細末食後以水壹盞葱白一支同煎三錢匕和滓服

又方宜服此五苓散

肝經之熱小府赤痛六脈弦急而長又發寒慄宜用蔓荊湯方

蔓荊子

羌活

獨活

麻黃

荆芥穗

芍藥

木通

甘草

右等分前法煎食後服

濕氣寒氣之勝同犯於心心氣上行不得小便小府不快宜服削朮草豆蔻散又服此大

芎湯

大芎

兩壹

蓬莪茂

兩半

木香

四錢

伏苓

兩半

甘草

草薺

各壹分

右為細末空心水壹盞入鹽少許同煎三錢匕和滓服

元氣虛弱腎氣不足膀胱氣虛衝任脈虛丈夫癩疝婦人癥閉宜服此方其脈六脈皆動細數而輕弦腎脈小擊而沉膀胱澁而短

五味子

壹兩

血茸

草薺

牛膝

芎

各半兩

乾熟地黃

壹兩

蓬莪茂

青鹽

各壹分

右青鹽壹味自為細末餘七味為細末蒸

史上

齒

餅丸如梧桐子大空心清湯下五七十元

身熱

寒邪所傷身能發熱寒氣外固陽氣內拒鼻塞氣竈聞氣出如火此當發其寒六脈浮而輕疾散滿指下

麻黃

去根節

削朮

各半兩

藁本

芎

官桂

芍藥

獨活

甘草

已土各壹分

細辛

四銖

右為釐散空心并非時水一盞生薑一片

煎三錢去滓服

心火獨盛少陰少陽之勝身熱小府赤大府

祕頭痛口乾舌龕骨疼六脈洪大而實有骨力又數宜用此方

伏苓

麥門冬心去

芍藥

麻黃

前胡

柴胡

甘草

羌活

桔梗

各壹分

牡丹皮

四銖

右如前法為龕散

肝氣之熱身亦發熱其狀與心火之勝同以風熱同化木火相助其候同也然肝之發熱所以不同者雖熱而往往自聞其寒多覺背脊脊酒洒振寒并兩足多冷膠涎甚則嘔逆而吐六脈絃急而長其他與心火勝之亦

史上

五

同然心火之勝脈必洪而肝熱即洪大而絃然亦有上於絃而不洪大者以風氣之獨勝耳宜用此方

荆芥穗

羌活

獨活

芍藥

防風

麻黃去節

連翹子

秦艽

蔓荆子

乾蘼芎

甘草

等分

右為龕散食後水一盞煎三錢取八分去滓和滓任意又看其人氣實肝藏熱多至於生涎則加天南星半夏白薑蚕乾蠍各少許天南星白薑蚕可與眾藥等半夏蠍隨意加減不必多涎結而大府祕則以牽

牛和上件藥服以疎爲度

身寒

經言陰盛生寒陽盛生熱元氣虛乏腎水極寒發爲寒戰冷汗自出六脈微細而沉寒邪犯心則腎脈必擊而沉心下大動不安甚則仆倒宜先暖其腎後保其心暖腎臟方

牛膝 酒浸一宿

石斛

巴戟 去心

草薺 鹽水煮

芎 各半兩

續斷

伏苓

附子 炮

當歸

細辛

五味子

兔絲子 各半兩浸兩宿

右爲末煉蜜爲元如梧子大空心米湯下七十元

史上

去

濕氣之勝汗出憎風肌體多冷畏風食減倦怠無力六脈渾濁而緩弱大而散面目無光宜服前暖腎元并服此方

白朮

陳橘皮

芎 各半兩

細辛

藁本

獨活

甘草 炙

藿香

官桂 各二分

草豆蔻

人參 半兩 乾薑 四銖

右爲末煉蜜和元如梧子大空心米湯下五十元

頭痛

頭痛之狀最爲難辨大風入骨而痛大熱入骨而痛痰伏於胷中而痛元氣虛微而痛心

火之勝頭痛六脈之應皆應於心卽用涼心藥風氣之勝而頭痛六脈之應皆屬於肝卽用涼肝藥氣熱而生涎亦能令人頭痛卽用前取涎藥腎水之勝陵犯於心經言心氣上行痛留眉項間甚則延及胷頭痛腦戶間痛宜暖其腎獨寒濕之氣初作未至犯心寒邪所客多襲於陰上貫風池熱府令人頭目不利腦後兩大筋迸急眉目昏眩此爲寒邪未入五藏六脈皆初傷寒之屬浮散而數宜用前發汗藥

腹痛

史上

十七

人有病腹痛者其狀多端經之所言亦多變濕邪之勝腹滿而痛食減體重四肢不舉腹鳴腸泄宜用此方神和散

草豆蔻

肉豆蔻

陳橘皮

白朮

各半兩

厚朴

去麄皮

丁香

木香

大芎

蓬莪茂

各二分

吳茱萸

三銖

訶梨勒

三銖

芍藥

十銖

右爲細末每服叁錢空心水壹盞棗兩個同煎八分和平服

寒冷食物所傷厥入胃腹中撮痛卽與前寒濕勝痛之脈不同若寒濕之氣勝而腹痛六脈皆微細而沉時時小擊經訣所謂陽絃頭

痛陰微腹痛是也至於爲冷寒之物所傷則六脈又緊而微緊應腹有形此爲物所傷者脈必有形而爲濕氣所傷者脈止於微而已宜用神和散加大腹皮半兩主之覺冷物未化卽加青橘皮少許每服入半夏少許主之清厥入胃兩脇下痛及小腹痛此肺之清肅之氣所成六脈當急而微絃肺脈獨大而實左尺微小急蓋清肅之氣流入於中寒聚而小腹有形經言連小腹而作寒甚則爲婦人癥瘕丈夫癩疝之類肺以毛爲主若浮則爲熱沉大爲冷至於寒之所聚則大者斂而爲小急又甚則緊緊爲痛應腹有形亦各從其類也宜暖行肺氣以散之

史上

六

陳橘皮

蓬莖茂

紫苑

芎

京三稜

當歸

延胡索

官桂

桔梗

甘草炙

木香各二分

大腹皮

芍藥

各四銖

白朮

半兩

右爲細末服時水壹盞生薑二片同煎三錢匕取八分和滓服

至於肺氣之勝已傷於肝則又能體重煩冤胷痛引背而痛宜服前方又服此暖行肝氣方人參散

人參

兩半

當歸

桑寄生

白茯苓

蓬莪朮

芎

獨活

京三稜

甘草

各二分

藿香

四銖

五味子

半兩

木香

四銖

右爲細末每服三錢服時水一盞棗二个

同煎八分服

人有病胃脘當心而痛食已而痛又甚連服中而急六脈絃緊而長宜用肝藥人有病兩脇下非時氣痛不安如生積聚一腹中鼓動搖悶不安甚則生氣塊上衝咽喉頭目俱進口舌膠粘小便赤黃衝心而痛夜臥不安此爲肝涎與血相聚致生此疾其脈當洪大沉實而有骨力以肝脈之熱生風而痛則脈絃而長今反洪大沉實者此爲涎伏之也宜用荆芥散

史上

丸

荆芥穗

連翹

羌活

牡丹皮

黃芩

杏仁

當歸

芍藥

山梔子

大黃

醋炙

蔓荆子

各一分

右每服三錢食後水一盞生薑一片半夏末少許同煎取三四沸和滓服大府不甚祕減大黃若大府祕甚自作大黃末每服酌量加減進服其大黃一味自修製臨時

素問舉痛論云寒氣客於脈外則脈寒脈寒則縮蹇縮蹇則脈絀急則外行小路故卒然而痛得昃則痛止其脈正與寒濕之氣脈同宜神和散

舉痛論云寒氣客於經脈之中與昃氣相薄則脈滿脈充大而血氣亂故痛甚不可按其脈散滿指下充大而至數不多却不甚有骨力宜去其寒而行其血氣

當歸

大芎

蓬莪茂

伏苓

大腹皮

陳橘皮

青橘皮

延胡索

官桂

各一分

木香

四銖

芍藥

十銖

史上

三

右爲細末每服三錢非時水一盞煎八分服舉痛論云寒氣客於腸胃之間膜原之下血不得散小絡急引故痛按之則血氣散痛其脈亦差大差緩而沉宜用前藥青橘皮者舉痛論云寒客於夾脊之脈則按之不能及故按之無及夾脊乃膂脈之所行其脈當尺澤沉而擊宜行其腎經以去其寒

烏藥

壹分

芎

當歸

京三稜

蓬莪茂

各一分

延胡索

各一分

木香

鱉甲

各四銖

甘草

炙三銖

右爲細末空心水一盞煎三錢服

舉痛論云寒氣客於衝脈衝脈起於關元隨腹直上客寒所犯則脈不通脈因之則氣不通故喘動應手其脈當實大有形不勻輕滑而又緊來疾去遲如有物制之宜通其脈行其氣

桔梗

半兩

大腹片

芍藥

木香

當歸

陳橘皮

枇杷葉

去毛

半夏

自爲末每服入兩豆許

芫花

好醋於土鍋內煮過乾炒令煙出焦黑已上各壹分

右爲細末每服三錢生薑一片同煎八分服以大腑通疏爲度宜服神和散之餘如此夕喘宜調暖其肺

史上

三

舉痛論云寒氣客於背俞之脈則脈澁脈澁則血虛血虛則痛背俞主於心故相引而痛按之則熱至熱氣至則痛遂止脈澁以血虛而不行其脈六脈細數而肝心尤微心脈如帶芘重按卽缺往往身有汗宜足其血以保其心

人參

壹兩

當歸

半兩

木香

延胡索

烏藥

官桂

甘草

茯苓

防風

各一分

沉香

三錢

陳橘皮

十錢

闕右語

舉痛論云寒氣客於厥陰之脈者絡陰器繫於肝寒氣客於脈中則血泣脈急引脅與小腹痛矣其脈皆輕帶弦肝脈連腎脈弦長而緊甚則透過尺澤而弦宜用此方

白蒺藜 半兩炒去尖

蔓荊子 壹分

獨活

蓬莪茂

甘草 各一分

麻黃 十銖

去節

右爲細末每服三錢空心水一盞棗兩箇同煎八分服

舉痛論云寒氣客於小腸膜原之間絡血之中血泣不得注於大經血氣稽留不得行故卒然成積其脈沉大而實膀胱動而有聲宜

史上

三

通其小腸

血茸

大芎

蓬莪茂

各半兩

草薺

木香

當歸

茯苓

各半兩

青鹽

三銖

右爲細末蜜丸如梧子大空心清湯下五七十丸

舉通論云寒氣客於五藏厥逆上泄陰氣竭陽氣未入故卒然不知人事氣復反則生矣其脈伏而大極無骨力三部皆芤身有冷汗宜灸氣海後用暖藥舉痛論云寒氣客於腸胃厥逆上出故痛而嘔其脈細而滑宜用神和

散加茯苓人參各半兩

脹滿

人有病腹脹滿善噫兩脇滿咽鬲不通此肝勝也其脈弦而長宜涼其肝人有病腹大小腹中痛惡寒發熱如瘧小腑赤其脈洪大此心熱也宜涼其心人有病小腹痛睡不得小便頭痛目似脫頂似拔腰似折此土濕之勝宜暖其脾其脈當濁而動人有病右肱脹滿腑腫心痛肺臏腹大滿膨脹而喘咳此氣為火所勝其脈兩手寸口洪大肺上亦洪骨力小如心脈此為心肺相持宜解其金火之熱

史上

三

以平其心肺

黃耆

兩半

麥門冬

去心

茯苓

紫苑

麻黃

去節

防風

各壹分

羌活

甘草

炙四銖

杏仁

十四箇去尖

右為龕散非時水一盞薑一片棗一箇同

煎三錢去滓服

人有病身腑腫腹滿仰息泄注赤白欬血此少陽之勝與火勝同候其脈亦然以前方主之

喘

世人論凡喘者皆以為肺然有服肺藥而不愈者遂以肺不受藥為難治何以言之繆也

又或以肺熱而喘誤投涼藥此又近似之言止可以知肺喘而未足以明五臟之喘且以經言之所言諸痿喘嘔皆屬於上未嘗以喘屬於肺至於言五臟之多寡六氣之勝復則喘之所生可指其狀而明藥之所投亦可以隨其證而效

今人有病胷中煩熱噎乾右肘滿欬喘唾血肺臏腹大膨膨而喘者此火之刑金肺傷而喘也宜用此方

麥門冬

去心
半兩

桔梗

麻黃

去節

紫苑

杏仁

去皮
尖

柴胡

前胡

甘草

炙

史上

五

貝母

已上各一
分去心

羌活

三銖

黃耆

十銖

右爲龕

散每服三錢水一盞生薑三片煎至七分去滓溫服人有病左脇痛寒清于中欬而喘此爲肺之清氣所成宜用此藥六脈毛而微腎脈伏而小比之火之盛刑金則異矣蓋火盛刑金而喘則六脈純得火脈疾大而有力量寸口偏大而關脈帶芤卽須唾血

人有病腹大脛腫喘欬寢汗出憎風胷中滿食不消化食減體重六脈沉重而濁渾渾革至如物制之此爲腎寒大過宜暖其腎

續斷

牛膝

細辛

五味子

巴戟

附子

當歸

兔絲子

補骨脂

各一分

大芎

草薺

各半兩

木香

各三錢

右煉蜜丸如梧子大空心鹽米湯五七十丸以神和散並進

人有病肝臟風壅積涎所聚伏隔間口乾而膠食即惡心全惡肉味心躁不安夜臥不得開咽喉隔塞如物抵築多喘診其脈六脈皆大而沉伏重手取之隱隱然骨間乃得再再尋來疾去遲宜用治涎藥

荆芥穗

天南星

防風

羌活

白薑蠶

連翹

獨活

麻黃

史上

姜

乾荷葉

乾蠍

天麻

炮

半夏

右等分修治為細末每服三錢入半夏末二兩豆許水一盞生薑二片煎七分和滓飯後服有人得此涎候却緣久病而虛又誤服熱藥或元氣本虛六脈大而無骨力却浮洪而數重手按之則浮指而虛有表無裏却不宜用前方此病難治當用此方

人參

半兩

天南星

炮

防風

獨活

麻黃

天麻

炮

琵琶葉

去毛

半夏

羌活

已上各一分

白薑蠶

口

薏苡仁

各十錢

右除半夏一味自為末餘為細末非時水

一盞薑三片煎至七分又宜時時以補藥助其元氣而徐以此壞涎藥撓之

人有病久患欬嗽虛萎氣乏胷中氣微不能報息六脈虛微而數此之一候並帶勞疾證即為難治若脈止虛微不浮而數寸尺調勻即藥到便安若浮數而虛亦勞也若浮大疾數而虛輕手取之全無骨力重手按之全不應指此不治之證肺萎當用此方

人參

半兩

五味子

茯苓

各半兩

鱉甲

酥炙

山藥

麥門冬

去心

甘草

枇杷葉

各分去毛

黃耆

紫苑

各十銖

半夏

阿膠

各透各四銖

史上

美

右為籠散生薑三片每服入半夏一兩豆許飯前服或非時服之又宜服補腎氣藥以歸其元氣每服三錢水一盞煎至七分

脚痛

脚氣之病蓋由有寒濕之勝故經於太陰之勝言足脛腑腫於太陽之勝言至引陰股筋肉拘苛又言歲土太過甚則肌肉萎足痿不收行善癭脚下痛飲發中滿四支不舉此寒濕之氣所成也然天下之病固有似是而非本異而標同用藥過差則利害相反若脚氣之病本於寒濕之勝而至於肺熱而病生於

足胃熱而風生於足與脚氣相似而寒熱殊狀試別而明之熱而足痛者以肺經之所行也故經言歲金太過則股髀踣跖足皆病焉胃熱而足病者抑以宗筋不行而傳為痿厥也

今有人病足痛得水土寒濕之狀六脈沉伏而動上濁下虛尺澤微而澁宜暖其下用此方

牛膝

兩半

黃耆

兩半

獨活

當歸

石斛

附子

葶藶

五加皮

各一分

天麻

炮

大芎

續斷

各十分

細辛

木香

各三銖

官桂

四銖

芍藥

壹分

史上

毛

右為末薏苡粉煑作稀糊丸如梧子大空心服五七十九丸温酒或鹽湯下

肺乘熱而足病則左手一手脈全微而細左尺又小搏擊而沉右手脈偏有骨力洪大而肺脈尤甚再尋虛弦而長用修崔氏紫蘇方服之蓋世人多以崔氏方治脚氣而得效不知此方止可治肺熱脚痛耳

紫蘇子

芍藥

官桂

茵芋

茯苓

大腹皮

桔梗

甘草

炙

羌活

三銖

麻黃

去節二兩

黃耆

半兩

右為麩散生薑一片煎三錢以為飲服

胃熱而宗筋不潤則脚弱無力兩足酸軟或帶微腫診其脈胃脈一指絃而長又微帶疾六脈差大宜用此方

大腹皮半兩茵芋八錢

杏仁去尖伏苓

芍藥當歸陳橘皮甘草

薏苡仁各一分青橘皮四分芎十錢

右爲麤散非時薑煎仍以前暖腎藥壯元氣藥相兼而進若服此藥大府微利卽住此却進補藥兩三日待定帖仍進此藥

脈要精微解

經曰春日浮如魚之游在波夏日在膚泛泛

史上

天

乎萬物有餘秋日下膚蟄蟲將去冬日在骨蟄蟲周密君子居室故曰知內者按而紀之知外者終而始之此六者持脈之大法以經意考之以四時之脈分表裏之淺深而決之以內外之辨且以春日浮如魚之游在波則陽氣之萌脈雖見而未出於膚夏日在膚泛泛乎萬物有餘則脈已在膚矣秋日下膚蟄蟲將去則秋陰氣之至脈雖下膚而未至於沉冬日在骨蟄蟲周密則脈已沉矣以是知內者按而紀之以明脈之在裏也如秋日之下膚冬日之在骨是也知外者終而始之以

明脈之在表也如春日之浮夏日之泛是也然知內者必曰按而紀之者蓋脈之在內非深按之無以得其實知外必曰終而始之則初按而病已見矣故因其病以推原其本啟玄子乃以知內爲知脈知外爲知色殊非黃帝所謂持脈之大法也細舉而明之心脈搏堅而長當病舌卷不能言凡脈之搏以有所犯而鬼勝則搏心脈之搏以腎邪犯之也病舌卷而不能言舌雖應心而舌本蓋少陰經之所散也治之之法不獨涼其心且暖行其腎其大而散當消環自己若心脈之芤雖芤而軟縱失血亦當溫加之以胃藥

史上

完

紫蘇子

黃耆

芍藥

官桂

獨活

茯苓

大腹皮

甘草

天麻

炮十銖

杏仁

四銖去皮尖

右爲籠末薑煎不計時候用水二盞煎七分寸口脈沉而弱曰寒熱及疝瘕及少腹痛又曰脈急者疝瘕少腹痛病同而脈異啟玄子遂以爲經傳之誤亦不知變矣寒疝之爲病有寒清連於小腹而爲疝故止言寸口脈沉而弱不分左右之脈皆沉故也右沉則肺冷而寒清之氣流入於中左沉則心氣不足血

為寒邪所犯而少腹痛至脈急曰疝少腹痛則言六脈之皆急也蓋經嘗言診得心脈而急為疝正謂此矣寸脈弱而疝者宜溫其中脈急而疝者宜緩其中

寸脈沉而疝者宜用此方

當歸

牛膝各半兩

烏藥

木香

京三稜

蓬莪茂

延胡索

茴香

官桂

草薺各一分

芍藥

大芎各一錢

沉香四錢

血茸

細辛各五分

益智子三錢

右為細末蜜丸如梧子大空心清湯六七

十丸

史上

三

脈急而疝宜用此方

蔓荊子

麻黃

芎

蓬莪茂

甘草炙

木香

茯苓各一分

芍藥半兩

獨活十錢

右為細末每服三錢生薑

薑三片水一盞煎至七分不計時候服

明熹脈

春戊夏丑秋辰冬未四時之喜神取五行之養氣為用皆歷三辰而數如春以戌為喜神即正月在戌二月在亥三月在子四時放此而推若於脈中得之犯他脈喜有喜慶之事四時脈皆於胃中見以五行皆資土以致用

而周身之脈亦因胃脈然後見於氣口如春脈以弦爲主須六部脈皆循循不急不絕不緊不數而胃脈微弦而緩弦爲春緩爲本六脈無犯主一月內喜應若正月於戌日見二月於亥日見三月於子日見則旬內應如胃脈帶弦而毛則主災夏脈洪爲主六脈皆隱隱而大不散不浮不滑不數胃脈微洪而緩洪爲夏緩爲本脈六脈無犯一月內喜應旬內得脈皆不出旬秋脈主毛胃脈上輕帶毛而緩又須有根蒂此一脈難辨如四時之脈蓋若毛而輕如風如氣則反爲災不爲喜脈

史上

三

惟不浮不輕緩緩而徐浮手按之乍如秋脈重手取之則去來如一歷之不散舉之不輕然後爲喜脈日辰之應與春夏同法冬脈最爲易辨但胃脈沉而不擊卽是

傷寒論

病有懸性命於毫髮之端決死生於頃刻之下死生之間係醫者之工拙醫者之工則病之痊愈速如轉圜醫者之拙則所投之藥過於白刃此傷寒之病非獨傷人之急醫者之難事也古人有言一日二日在於皮膚四日五日傳之藏府故皮膚之間可汗傳藏府之

問可下世之學者未嘗不宗之以爲定論然不知人之有虛實則病之有輕重病之有輕重則傳之有遲速忽有經兩日三日而尙在皮膚忽有初經兩日三日而傳藏府善爲醫者當審察其脈審其病之所在而已嘗以治傷寒之病有四失一失之愚蓋傷寒之病其始在於皮膚其次傳之藏府當皮膚之間可汗於藏府之間可下苟不辨陰陽不分內外當汗而下當下而汗誤投藥餌以傾人性命此一失之愚也二失之不精蓋傷寒之病傳之藏府則證候多端千變萬化莫能盡究其

史上

三

毒氣之在肝者不可疎脾在心者不可疎肺五藏之治餘皆同此醫者治之決以爲病之所傳在於何藏方之所投當以何藥病之所減當以何時藥之一投遂可平復苟不知病之源流不識病之傳受誤投藥餌以希苟合不幸而少有差誤人之傾危可立而待此貳失不精也三失之怯蓋傷寒熱毒傳在五藏攻損正氣其毒氣之盛如煙如霧薰炙三焦致令病危困不思飲食醫者反以爲胃氣之虛不肯通疎遂見傾損性命但今患傷寒熱毒之人飲食不進大府不通小便黃赤病者

危困卽先定其病之所傳在於何藏急以疎轉之藥取其毒氣其病勢輕減則飲食增加而平復如故矣此三失之怯也四失之暴蓋治傷寒之法旣失之愚又失之怯則不精不詳者不可容易言也愚因言治傷寒之怯切慮後之學者心術未明見識未到但務以不怯爲志妄投轉藥以傷人性命此余所以言四失之暴也後之學者苟能明此四失亦足以識治傷寒之大略至於陽毒所次陰毒所注其傳在五藏則藏證各殊貫於六府則府證各異其傷人之急者惟二感尤爲極重余

史上

垂

今輒以病證脈候陳其一二庶幾世人緣此之傳也

一曰巨陽受之巨陽之脈起於目內眥上額交顛上入絡腦下項循髀內夾背抵腰中在手爲小腸在足爲膀胱故頭項腰背強其脈當疾數而浮以散如新沐浴如風而左尺脈微緊而數

二曰陽明受之陽明主肉其脈夾鼻絡於目故身熱目疼而鼻乾不得臥其脈又經於腹背上頭項在手爲大腸在足爲胃診其脈當疾數而浮漸漸按之如通於裏以陽明爲宗

筋而胃脈受之又漸入於裏六脈雖浮數而胃脈一指微洪而數三日少陽受之問其脈循脇絡於耳故胃脇痛而耳聾又起於目銳眦上抵頭角下耳後其脈當疾數而利得六七至以上而肝脈又差數此三陽受病皆屬於表故其脈疾數而浮以其未入於藏府故言汗而已

四日太陰受之太陰脈布胃中絡於嗑入胃上隔夾咽連舌本而散於舌下其脈當疾數而洪大有骨力胃脈差大

五日少陰受之其脈直行者從腎上肝鬲入

史上

論

肺中循喉臑夾舌本故口燥舌乾而渴其脈最爲洪大六七至以上心脈隱隱應指來去如一

六日厥陰受之厥陰之脈自足上循陰器抵少腹又上貫鬲故煩滿而囊縮其脈疾數如長三陰三陽五藏六府榮衛不行五藏不通則死大抵三日以前爲三陽受病其脈在表宜汗三日已後三陰受病其脈在裏宜泄若初經三日其脈疾數大表裏如一卽不可汗亦不可下只以解利藥通其中而已

一二日脈氣疾數以溫辛發散藥汗之而愈

藥中亦須有通表解藥不可純用熱藥既汗之後脈當安和絛軟不疾不數如老年衰削人脈輕手按之絛絛不絕重手按之隱隱不之卽自然安寧若既汗之後疾數不解卽難治加之以結則困重或至於死蓋結脈疾數而懸絕纍纍如珠而又不流利與滑不同但逐部位通流於指如滴水起頭是也然初得病一日二日內有增寒壯熱脈輕而浮乃謂之傷寒若纔得病並無增寒頭疼欲碎身熱如火頭目赫赤眼睛迸火大府秘小府赤六脈洪大有骨力此名熱病雖初得亦不汗蓋

史
上

三

治傷寒之法惟初二日與熱病使藥不同三四日已後與熱病同醫一日二日脈氣微小不疾不數不浮不散唯沉軟而細則汗之之藥宜極以溫辛如脾胃濡沉則是感冷之一候多變成陰證陽毒傷寒面赤頭痛身熱如火心神煩躁頭目昏眩項背強直脈候當洪大而有骨力

傷寒煩躁飲水不休若脈實而洪不是疾數是爲涎毒若洪大而不實是爲心脾受毒傷寒後寒熱已退腹中餘一塊疼痛不可忍忽走在腿面上疼此爲遺氣在肝脈氣洪而

長肝脈循循而過左足宜清其血
四五日熱毒上衝心胃噎塞滿悶渾身壯熱
頭痛不止大府不通胃中痰實脈氣當寸關
脈實而尺澤輕如絕心脈炎炎而上

熱毒在肝善怒筋脈碎痛神昏不欲見人兩
脇脹滿手足躁不安臥右手關脈當偏大緊
急而長熱毒在心頭疼煩躁而赤舌強口語
不快忽心痛善嘔狂言妄語忽思狂走入水
精神不守左手脈一指偏大若舌強硬急以
妙手針刺其舌兩傍出惡血不可刺其舌心
熱毒在脾渾身肌肉碎疼聞食卽惡思吐通

史上

三

身發熱兩唇乾焦邊脈動或環唇青黑色甚
則腰痛腹滿兩頰痛右手關上脾脈一指偏
大如眾脈

熱毒在肺上衝咽喉心胃壅實隔塞不通渾
身大熱面色或赤而又帶白喘欬不得大息
右手寸口一指偏大而加之以浮

熱毒在腎腰背疼痛脊脊強急頭不痛苦渴
數飲甚則項痛而強胛寒以酸足下不欲言
其脈當左手尺澤微而輕浮又輕緊

傷寒熱毒攻於肝心兩藏毒氣煩盛上衝於
肺血隨氣逆鼻中衄血口中吐血甚則耳中

眼中皆有血診其脈當洪大而炎上如流水之長如乍開乍合乍歛乍散此爲失血之候熱毒內傷肝心兩藏肝心失守不能主血毒氣煩盛上蒸於肺血隨氣行流入於肌膚發爲赤班通身大熱頭重疼痛睡時如己身傍畔更有一身精神昏亂不守其脈雖大而鬱結不解重手取隱隱而有骨力如重夾綾絹裹之爲發班之候

傷寒熱病發嗽坐臥喘急不安其脈右手寸關脈當洪大而加之浮數傷寒熱毒熾盛薰炙三焦攻擊皮膚通身發如橘色其脈如發

史上

三

班候而差沉與黃疸同法

熱病結胃心前閉塞胃中有一塊不通堅硬不散通身發熱頭疼不安面色黯赤喉中涎溢大府祕熱昏悶不省人事病與伏暑相似其肺當洪大而有骨力而肺脈實而不浮伏暑卽結而沉

傷寒熱病五六日愈加困重因喫疎藥下糞如紫黑色病勢不減神思昏昏小腹膨脹狂言妄語不省人事甚則腹中有塊堅硬不散其脈結伏此毒氣攻血腹內有淤積惡物十

嘗九死

陰毒傷寒渾身手足厥冷面青唇皮無色四肢無力心中寒慄重則閉目不知人事脈氣當細微而沉重手取之又軟而無骨力若腎脈細微而搏沉者爲重

診失血

脈訣謂芤爲失血芤脈狀如按環子內面兩頭有中間曲而缺非謂絕也若心脈肝脈帶芤而肺脈浮以數又肺脈微弦而緊則骨蒸咯血

心脈芤而肺脈軟沉尺脈沉伏微微帶緊腸風下血

史上

三

心肺芤而尺脈緊膀胱滑小腸溺血

肝脈芤而肺脈大浮而促兩手尺澤皆微喘而咯血

肝心肺脈俱盛洪大而不甚有骨力乍開乍合如流水之狀此金火相傳當吐血心脈微而緊促而朝上魚際急按卽來遲去速此爲腸風下血少多心戰憚事無心力肝脈長而動下貫尺澤心脈大而實三焦血有餘亦當下血

肝脈細微而澁尺澤微胃脈濡大府失血心脈與肝脈不盡連接如滴水起頭鼻衄出血

肺脈浮大而散心脈大鼻暴明

訣云緊爲蟲爲痔須肝脈亦緊并細方爲痔
不尔卽蟲也

六脈浮大無骨力來疾去遲輕手帶洪重手
取之如濡此久害瘡癰血少六脈浮大有骨
力肝脈弦而長肺脈大而實沉與胃相際胃
脈輕弦而濡此三焦血泛胃虛下血

六脈如常心脈動腎脈搏而沉又細而數血
泄或溺血便血

婦人胎孕在手關寸脈滑數而肺脈脈虛而
毛尺澤陷而與關脈不際者孕也若肝脈長

史上

堯

而溢寸胎漏失血胎下血有二有肝氣虛微
腎脈絲軟胎脈陷下胎動而失血者當補之
若肝脈有餘而失血是胎溢當涼也

婦人肝脈洪大而反結澁訣云澁脈生婦人
敗血若脈洪大而又伏則積塊而血不行久
則陰門腫以厥陰脈絡門而過

診失精

腎脈虛絲軟而沉又微以濡凡尺脈得八裏
脈又搏擊皆失精心脈動多夢交六脈濡緩
而輕浮又澁多溺精

六脈濡腎脈沉而細膀胱脈動而緩以大心

脈動而浮主小便白濁肝心脈弦而腎脈緊而細重手按之却來遲去疾小府當赤而濁腎脈細沉而微緊肺脈重而洪大小便即少腹先痛此寒伏於胞絡中

赤脈弦而結陽中有伏陰胞滿小便不出小腹逆脹

六脈如常人獨脾脈一指疾大而數唯腎脈差微主頭疼口乾溺精此爲土邪入腎當清其脾

婦人尺澤帶弱遲入裏之脈膀胱脈動多下白帶若腎脈搏而沉陰中濕癢生瘡丈夫陰

史上

早

濕此皆精氣之失

六脈皆澁又遲緩丈夫失精婦人敗血

心脈肺脈疾而動腎脈膀胱動而濡丈夫溺

多口乾若婦人產乳多口乾即多補其腎不

可以口乾爲熱

診癩疝

癩疝之病尺脈緊而動按之即虛

肺脈輕弦而虛胃脈沉濡而軟尺脈絛軟寒

厥入胃肺主少腹少腹當如有形腎虛即成

癩疝疾

肝脈弦而疾腎脈絛軟而虛亦爲以厥陰祗

陰器絡陰而過乃爲癩疔
六脈急沉爲疝爲瘕爲少腹痛蓋疝瘕皆寒搏於中而急則爲痛腎脈大急沉爲腎之疝當暖其腎肝脈大急沉爲肝之疝當暖其肝心脈搏而沉又急而沉肺脈同診皆爲疝若小急而不鼓皆爲瘕

診汗脈

脈訣曰陰微盜汗勞兼有此特其一端耳大抵汗爲血之餘若陰微則血不足則當主少汗此言微盜汗當絛軟而澁右手膀胱急而沉心脈搏而動方主盜汗小府澁忽失精

史上

望

六脈皆滑主汗以其陰氣有餘故多汗
心脈大滑而腎脈搏沉以汗爲心之液今心脈大滑則水犯之而動故汗
心脈獨大而洪六脈疾而動主睡中忽然出汗以心氣獨主故耳

論膈噎

六脈濡濕而重濁脾脈大而濕主汗出憎風
六脈微而澁腎脈綿軟而沉來遲去疾如代脈相似心脈沉主元陽正氣虛弱陽事不起
噎塞如有一塊物在喉中飲食無味

思慮

肝心脈澁而遲來遲去速肝脈無骨力主
喜怒忽憂淤思憶其狀心胷滿悶隔塞不快
飲食難下兩脇脹滿忽時氣痛衝心不可忍
面色青黃肝心脈澁而沉重手取之緩而無
力如新沐舉重來遲去疾胷中噎塞飲食減
少行步無力大府虛冷非時間心前如有一
條冷線上徹咽喉此爲冷噎六脈澁而浮汗
肝心脈浮大而無力胃脈大而散重手取之
雖無骨力隱隱而來唯兩手尺澤差短其胷
前隔塞飲食減少大府祕熱忽時不調喫鹹
卽心躁喫暖卽喉乾痰實頭目昏暈兩足無
力載身不起舌上生瘡唇皮焦裂或非時口
中涎流衝肺散爲乾嗽忽時急飢見食卽吐
食不住腹此熱膈

史上

望

六脈微有骨力而來遲却差小而微急主寒
熱氣膈其狀大府熱忽時却下黃糞汁胷中
高塞不快滯氣積聚

六脈浮大輕有骨力來遲去速肺脈偏大而
浮加之泛如促聚於寸口主熱噎胷前噎塞
不通飲食不下所喫湯水只到喉仍便吐出
所咽下津液只到喉中亦便吐出口膠非時
睡涎溢大府祕熱當用通藥利其大府熱咽

如上所說用引大府藥既通其大府卽脈氣
洪大如實但去疾與尋常洪大之脈不同卽
輕以解肺順氣益胃化涎藥餌之

六脈皆得噎脈肝脈偏大而澁肺脈橫格主
因怒而得大便不通

六脈皆噎脈肝心微小而弦微有骨力而來
遲因悲憂而得所喫物聞巡歷胷間隱隱而
下蓋風不化血不盛當益其肝心順其氣
六脈濡伏重手取之如動而無骨力主冷噎
飲食不進身上厥冷胷中如有冷物填塞

六脈濡伏胃脈偏重濁而重主胃寒履濕而

史上

聖

得噎四支厥冷胷前噎塞飲食不下

診室女婦人諸脈

諸婦人之脈陰陽與男子相反當要尺澤隱
隱來去如一和緩不澁不弦寸口平方能孕
育若尺澤弦急肝脈動心脈疾六脈澁而不
與勻無子

血盛氣衰爲孕謂心脈洪大流利替替而滑
肺脈毛而微却不浮爲孕仍須尺澤與肝脈
微間而肝脈微橫卽是孕

肝脈澁而不絕尺脈微陷心脈滑是孕

肝脈澁心脈滑肺脈襄一如孕脈然尺脈急

而長爲敗血爲積血非孕

肺脈急而弦長右脈浮而短小腹堅硬如孕
肺脈急而沉腎脈濡沉小腹有形如孕

肝脈急而沉腎脈小急緊陰痒陰中痛腫

室女六脈皆弦而長又洪尺脈微緊經候通
行兩足痛腫行不得肌肉消瘦大府乾澀頭
痛眼昏室女十六七肝脈弦而長胃脈輕弦
表裏如一骨槽蒸熱風行周身上焦壅肌肉
消瘦忽通身黃黑面色帶黑小便黃赤五心
煩躁漸欲成勞

婦人肺脈盛肝脈軟而虛忽微而動心脈芤

史上

醫

肺氣有餘相刑尅肝木受金傷不能主血月
候多少遲速不定多不節以致無子偶然懷
之又無故墜下當減其肺益其肝

關尺微細而沉腎氣虧乏不能生肝經候多
少遲速不定不能生子

肝心脈弦緊而疾肺脈浮而大尺澤鬱鬱不
散月經不通大府祕熱兩足痛不得行肌肉
消瘦漸次如馬籃節

六脈弦緊而長心脈洪大而實尺脈結月經
不通長淤怒不得安處忽忽似顛狂夜不得
睡小便赤大府如常忽下鴨澹

肝脈虛弦而長按之無骨力心脈動而疾肝邪傳心日夜煩躁忽如顛狂不得眠睡六脈大而沉肝脈橫肺脈浮主婦人血熱經候行少背上非時有一片發熱口無津液忽兩三月一次忽半年不行或止些小黑血

六脈大而沉重手取之隱隱乃得輕手如無重取却有骨力非如尋常沉伏之脈此因胎藏本熱忽因產後未經百日恣喫涼物寒熱相伏經及二三月年候不通全如懷孕惡血所聚如有身露下有塊但堅硬不動往往却氣氣痛只以辛溫藥散自然行下不必疎通

史上

畧

婦人脈如孕尺脈亦絕與孕無殊但六脈動而不勻胃脈輕帶伏此因經候行次或產後起早并誤喫生冷傷損氣血俱病因生積聚久無所療變成惡物其狀腹中成塊如虵鼠如鹿如虎之類以子按之衝手跳起但此病到年深其惡物帶命喫人血盡忽絕無經候通行或經候行時只如淡水如此卽傾危人也六脈疾大虛急有大爲風浮血溢急爲尺澤有寒忽因經候行時忽因產後喫生冷不相當之物忽產後早起傷風血氣俱病臨經行時忽先氣疼忽小腹急疼

心脈芤肝脈虛尺澤微細血海虛損經候過多忽成片流下不可禁止六脈皆沉肝脈弱而虛尺澤細細如縷又帶澁而遲肝腎多感寒伏在子宮血海虛損經候過多小便白濁如米泔少陰腎脈貫脊而行背上忽有片寒冷口中卽吐清水

六脈疾大而浮腎脈急而浮心脈差洪血風頭痛口乾吐痰

六脈弦大肝心脈澁而短尺脈急沉而搏緣使性多癢怒傷損肝心正氣因而積涎怒而氣逆涎隨氣上其狀聞得心前昏悶潰亂不

史

上

快遂有一塊之物上觸到咽喉卽手足俱冷口禁不開不省人事

六脈弦大而疾尺脈亦弦而動泛泛不絕經候過多七八月不止皆下鮮血此非虛不可補止可涼風血緣風盛血散然久而不止卽肝氣脫血

妊娠之脈若肺雖微然浮而聚於寸口當上氣喘促

妊娠六脈雖要滑而流利然肝脈滑而洪大胃脈亦有骨力則上喘而口膠見食多

妊娠之脈尺脈不絕與肝脈相連而軟無

力又沉以細當主少腹疼痛蓋胎氣熱則在上冷則墜下

又軟胎氣墜下陰門腫

娠六脈疾而動肝脈如長而散主胎漏失血不可補之此血溢也當安其胎涼其血

娠六脈沉伏肺脈實沉而動腰痛不可舉兩手沉重行步無力睡腸痛

娠六脈洪大而浮肺脈浮而散胃脈浮而大通身癢癢漸次面目渾身俱腫心躁不安

娠六脈皆結而伏胃脈沉而動主忽然如

史上

畢

中風心前昏悶卽如有一塊物填塞此緣臟腑本熱而忽感寒忽喫生冷寒熱相伏而不散以辛溫散之

娠六脈洪大過關溢寸主上鬲有熱唇口乾焦口舌生瘡非時頭痛不安小便黃赤

娠血有餘六脈大而疾又緊而流利表裏俱有骨力主渾身碎痛并腹內疼不可忍者宜涼其血

婦人娠有發熱如瘧雖夏常畏風此肝盛血熱風行于表熱極卽生寒若肝盛胃虛卽更右一壁寒以妊則血盛而氣衰故也診其

脈當左長而緊微帶浮右關沉而濡如按泥
婦人之脈六脈俱沉細而急左手尺澤微而
緊指指如縷而轉連及肝脈按之卽結而散
此胞精不足當久患敗血赤白帶若動而數
加之以短卽不久傾危
婦人之脈皆沉而洪大重手取之其深至骨
隱隱然應指有骨力來疾去遲至數與常人
無異但胃脈亦洪大上隔有伏涎此爲血溢
生積當經候不快忽不行腰痺口乾而渴背
逆眼睛逆兩臂重手缺盆逆大府秘心憎夜
不得眠

史上

哭

診黃疸

黃疸有二有肝熱刑脾而疸有濕極而疸若
肝脈洪太胃脈濡弱而濁肝脈加之浮腎脈
搏而擊卽發黃疸若胃脈重濁而弦長按之
無骨力腎脈搏而沉心脈有動象卽濕極而
發疸然疸之病多先目黃以眾脈皆會於目
系所以肝熱亦目黃而疸胃熱亦目黃而疸
肝熱卽口乾引飲小府赤而澁胃濕亦目黃
而口不乾小府赤而不澁又有下部冒寒履
濕濕氣衝心發爲目黃不必是疸素問言太

陽之勝有面赤目黃者是也只可緩行其小
府濕熱相鬱而疸卽脈洪而大不弦却帶
軟而長宜利其小府

半產正產論

夫半產正產婦人之常事也然其間多有產
後染成大病忽絕無月水行忽宮藏虧損不
禁忽積成癥瘕而歲久月深傾損性命此無
他輕之以爲半產而不甚將養之所致也不
知半產之候其將養當過如正產十倍正產
止血藏空虛半產卽肌骨腐爛常切譬之正
產有如果中之栗夫栗之爲物俟其自熟陰

史上

兕

陽氣足則其殼自開而栗子自墮方是之時
子之與殼兩無所損如婦人懷孕十月已滿
陰陽氣足則其子宮自開而兒子生下昔月
未滿足因誤服藥餌忽寒邪熱毒所傷忽扶
輕舉重忽倒地打傷其胎藏傷損胞系腐爛
然後其胎墜下卽有如世人採折新栗碎其
皮殼就殼中斷其根蒂然後取得栗子此其
半產之喻也以其胎藏傷損胞繫斷去而後
胎墜下則其半產之人將養調治得不過如
正產十倍者哉正產之後補其虛生其好血化
其惡血保其藏氣去其風邪人人無有不安

也半產之後補其虛生其肌肉益血窮其所
因解其病去其風邪養其藏氣加之將養過
如正產十倍損傷之胎無不平復也吁世之
人多輕之至於傾危不可勝數得不惜哉
正產半產出血過多不可禁止忽氣悶不識
人其脈洪大而浮以泛如新沐如破肚之脈
若微細而澁絕其候凶

胎死腹中其脈洪大而沉尺澤當溢透下部
不澁不絕卽無畏謂胎不下當氣滿實所以
洪大而沉又溢寸過若澁而短卽死

婦人欲產漿破血下渾身疼診其脈當洪大

史上

辛

而有骨力尺澤透而長方是正產謂孕則尺
脈不來欲產而漿下則尺澤透若渾身疼甚
而漿未破血不肯下卽難產凡渾身痛甚須
是腰痛連穀道疼逆痛方是正候以少陰犯
胞絡脈連腰過脊及肛門若只是腹痛不可
用作正產候

產後脈結而澁尺脈短而動肺脈浮而急卽
是衣未下產後血風虛熱搏之洪大而數數
與疾不同數則兼動與短主血暈面色深赤
身體如醉見屋宇如懸倒忽頭痛重不安
產後血風虛熱搏之洪大而疾心脈實而有

骨力肺脈洪而浮主血逆頭痛面赤如醉身體如在虛空大腑祕澁語聲微細

產後六脈得洪大如血暈脈胃脈實而弦肺脈浮而洪主大腑祕熱頭痛面赤惡心嘔逆產後如骨蒸脈六脈弦而微緊有骨力主血行少未經數日身下乾淨腹中餘血惡血未下非時氣痛攻心刺肋

產後六脈輕浮微有骨力而來遲肝脈細而虛弦多因小遺登後早忽亂喫食物早宮藏傷風飲食減可近以十日遠經半月粥食不進才喫一口湯水卽聞湯水巡歷胷中方下

史上

至

入胃既入胃仍下出面色并肉色黃形體困重此候留風邪在中血熱而感寒成寒熱隔氣風不用事食不化此病須是喫得酒一兩盞方可調理每日宜服酒一兩盞如治風咽調理故予特製此方

細辛

官桂

芎

當歸

各半兩

羌活

藿香

各一分

木香

各一分

桑寄生

分

吳茱萸

蓬莪茂

各三分

甘草

炙

分

右爲細末每服三錢空心煎防風湯調下喫了渾身手足暖忽頭疼卽連喫酒一兩盞候通身發熱忽行下惡物卽便安樂也若

人得此病須是依上件題目方可服此方
產後六脈皆沉伏而遲主渾身厥冷非時
不識人

產後六脈動而疾胃脈滑而溢於尺澤腎脈
軟而虛弦此緣產遲忽衣遲既產後早起傷
風吐泄不定之脈宜溫其胃

產後六脈沉細而伏此寒氣在下腰痛起動
不得

產後六脈沉細腎脈伏而沉肺脈虛而大產
後乳汁多故流出其乳汁冷而口乾此腎冷
肺虛寒不可以口乾爲上熱誤服涼藥此腎

史上

至

少陰之脈從肺出絡心注胃中其直行者從
腎上貫肝鬲入肺中循喉臑夾舌本故如此
產後六脈洪大而結肝脈澁肺脈浮忽然乳
疼堅硬成塊將欲成癰腫

產後未經百日腹疼氣疼轉瀉不止六脈沉
細而虛此餘寒在中

產後心脈一指偏小而動又芤陷若肺脈重
而洪大却無骨力則主乳多肺脈如常惟心
脈如此加之腎脈微細則小便虛憊

產後惡血行少腹中塊刺痛須六脈大而緊
肺脈緊而虛弦爲寒肺主少腹中有塊產後

血熱肝藏風搏生涎發爲疼痛卽急心痛六脈當得二陽一陰二陽實大一陰者沉也

產後尺澤虛軟而代至數不及白涕不止血崩下帶

產後尺澤虛軟而代至數不及加之胃脈濡濕而散卽水土俱寒多下白涕產後六脈浮而虛腎脈微而小至數遲來處無力絛絛若代中風肌肉麻痺肢節牽抽非時增寒大府虛冷

產後六脈浮而數來疾而去遲中風血肢躁身體疼精神昏悶大府祕澁產後亂喫物早

史上

壘

傷損脾氣非時腹脇脹滿飲食不快診其脈胃脈遲而肝脈弱

產後亂喫物早傷損血氣身體虛弱飲食減少眼如貓兒眼診其脈肺脈橫格而肝脈芤傷微弱腎脈泛泛欲動而無力此血氣俱病當調其血益其氣暖其胃使進食

產後腎脈微而沉胃脈濡濕而沉多緣寒氣所損忽因坐草多時地之寒氣所損忽因坐草多時地之寒氣所衝腹中成塊忽衝心背臍腹疼痛嘔逆惡心不思飲食

產後血氣微弱六脈沉細重手取之細細乃

得脈氣別無陽脈唯肺脈差浮而弱主頭冷重項頸麤非時間頭面上肌肉麻痺大腸虛冷頻出後又多虛往或時泄瀉兩足沉重少精神行步無力面黃瘦或未經百日經候通行或誤喫涼藥有此疾候忽自懷孕時間通身寒冷至產後却有此疾但極以補腎補肝藥補益其血氣而祛風邪藥助之

產後心虛中風心中戰慄驚動不安如人將捕大府傷冷六脈微而肝心脈偏細沉又產後只緣腎氣之虛寒風邪所中腎脈細而搏以沉腎既受病傳其所勝心感腎邪非時驚

史上

卷

悸如人將捕初以益心氣去風邪藥治之次當補其腎又次當益其肝足其血緣心受腎邪而又肝氣微弱不能生其心氣故以三方藥治之

產後肝腎虛冷受邪六脈虛微腎脈搏沉心脈輕帶滑主產後肝虛中風產後血暈之疾有二風搏血熱而暈卽六脈洪大有骨力又有一般大府虛冷却因使性激怒傷損肝心其氣上逆因而血暈其狀頭覺重痛昏昏如醉語聲低小但多思睡診其候六脈輕有骨力不至洪大肺脈輕浮而不毛心脈促而朝

上此最爲用藥之難故作此一

方

去根

麻黃

延胡索

芎

防風各二分

官桂

去皮半兩

甘草

細辛

各二分

羌活

木香

各一分

右爲細末每服一錢半水一盞煎取九分

非時去滓服不要多服病止卽住藥若氣

體虛微喫煎藥未效却加壯熱頭痛面赤

如醉宜服此方

牡丹皮

荆芥穗

羌活

麻黃

去根

防風

各一分

甘草

二分

右爲細末每服二錢水八分一盞煎一兩

史

蓋

沸急瀉出食後徐徐去滓熱服

病已卽止

產後餘惡血未下因感風邪與熱血相搏壯

熱頭痛面赤如醉人眼濇痲急昏悶不醒身

如在虛空見食卽吐食不住腹脈氣結而不

勻逐位間絕然各有骨力而微此用藥亦難

宜此方

麻黃

去根三錢

麥門冬

黃芩

羌活

大黃

荆芥穗

山梔子

芍藥

射干

各半兩

官桂

當歸

各一分

甘草

二分

右爲細末不要煖只生搗每服二錢濃煎

薄荷湯調下若脈氣極有骨力應指而動

又當有伏涎當大府祕熱出後不通前藥
一二錢半取汁用調下牽牛末一錢半夏末
一字和滓服大府不熱不用牽牛

史載之方卷上終

史上

五

載之治病用藥初不求異炮炙製度自依
本法以銖計者蓋其審證精切不過三四
服立瘳踰是而不效乃察病按方之不審
便當改轍不可泥也此皆親試而得之非
敢夸大其說六銖爲分四分爲兩

光緒二年歲在疆圉赤奮若吳興陸氏十萬卷樓重雕

